

書

經

參

義

書經卷之四

蔡沈原註姜兆錫恭義

周書

周本文王國號後武王因以爲有天下之號書凡三十三篇

泰誓上

泰誓名之上篇未渡河作後二篇既渡河作今文無

古文有。按伏生今文二十八篇本無泰誓武帝時僞泰誓出劉竊經傳所引爲文與伏生今文合爲二十九篇時孔壁古文書雖出而未傳于世故漢儒所引皆用僞泰誓如白魚入于王舟有火復于王室流爲鳥太史公記周本紀亦載其語至後漢馬融始疑其僞然亦僅爲疑離而未決其爲僞也至晉孔壁古文書行而僞泰誓始廢吳氏曰湯武皆以兵受命然湯之離祿武之離迫湯之數桀也恭武之數紂也做學者不能無憾或疑其書晚出非盡當時之本文也

惟十有三年春大會于孟津

有又同。十三年者武王卽位之十三年也春孔氏謂于月蔡傳謂寅月

也孟津見禹貢大會將伐商也。蔡傳曰漢孔氏言虞芮質成爲文王受命改元之年凡九年而文王崩武王立二年而觀兵三年而伐紂合爲十有三年此皆惑于僞書泰誓之文而誤解九年大統未集與夫觀政于商之語也古者人君卽位卽稱元年以計其

在位之久近常事也。自秦惠王始改十四年爲後元年。漢文帝亦改十七年爲後元年。自後說春秋者因以改元爲重事耳。歐陽氏云改元果重事與。西伯卽位已改元年。中間不宜改而又改。至武王卽位宜改元而反不改。乃上冒先君之元年何也。及其滅商而得天下其事大于聽訟遠矣。而又不改元。由是言之。謂文王受命改元。武王冒文王之元年者皆妄也。此辯極爲明著。又按漢孔氏以春爲建子之月。蓋謂三代改正朔必改月數。改月數必以其正爲四時之首。武成篇云。一月戊午。師渡孟津。而此篇又云。春大會于孟津。故遂以建子之月爲春。夫改正朔不改月數。于伊訓太甲辯之詳矣。而四時改易尤爲無義。冬不可以爲春。寒不可以爲暖。固不待辯而明也。鄭氏箋臣工詩維莫之春。謂周之季春于夏爲孟春。月此漢儒承襲之誤。按詩言維莫之春。于皇來牟。將受厥明。謂莫春牟麥將熟。可以受上帝之明賜也。夫牟麥將熟則爲建辰之月。夏正之季春審矣。鄭氏于詩且不得其義。則其考之固不審矣。不然商以季冬爲春。周以仲冬爲春。四時反逆皆不得其正。豈聖人奉天之政乎。愚按蔡傳辯十三年爲武王卽位之十三年者得之。若其言不改時者則與伊訓篇不改月之說同誤。蓋亦失之不考而未推經史之異例也。夫書用夏正。雖金縢秋大熟亦然。孔氏固難斷一月之爲建子矣。然以春秋考之。桓十四年書春無冰。成元年書春二月無冰。春秋之例常事不書。變則書。惟其首春爲

夏正之十一月仲春爲夏正之十二月時當沍寒而無冰故以變書若不改時而爲夏正之春正月春二月則時方冰泮不得以無冰爲變而書矣又莊十年書秋大水無麥苗亦惟周正之孟秋爲夏正五月其時麥熟而黍稷方苗故以大水同時皆死而書爲變也若不改時而夏正之秋又安得有麥耶詩書多所夏正非史傳比鄭箋以爲改時固失蔡傳因以爲不改時之証亦失也且孔子告顏淵行夏之時以其時之正令之善而商周所未及也若商周名爲改朔而時與月皆不改則時自正而令亦善不待行夏時而後爲正且善矣此又義理之主曰嗟我友邦冢君越我御事庶士較然無疑者也學者幸體之

明聽誓稱王者史臣追尊之也友邦冢君謂諸侯也稱友邦親之也稱冢君尊之也越及也御事猶言治事謂三卿之屬庶士猶言衆士謂師旅之屬明審誓告惟天地萬物父母惟人萬物也告以伐商之意且欲其聽之審也

之靈靈也**聰明作元后**元后作民父母靈誠也聰明出于天性而非假也作猶爲也元后大君也

大哉軋元萬物資始至哉坤元萬物資生是天地乃萬物之父母也萬物之生惟人得其秀而靈具四端備萬善知覺獨異于物而聖人天性聰明先知先覺又得其最秀而最靈者首出庶物而爲民之元后于是天下之疲癯殘疾得其生鰥寡孤獨得其養舉萬

民之衆無一而不得其所則元后又所以爲民之父母也夫天地
生物而厚于人天地生人而又厚于聖亦惟欲其體天地父母斯
民之心而已天之爲民如此則任元后之責者可不知所以作民
父母之義乎商紂失君民之道而武王發此提雖一時誓師之言
而實萬世人君今商王受弗敬上天降災下民沈湎冒色敢行暴
虐罪人以族官人以世惟宮室臺榭陂池侈服以殘害于爾萬姓
焚炙忠良剗剔孕婦皇天震怒命我文考肅將天威大勳未集
而逆天殃民如下所云也沈湎溺于酒冒色亂于色也此言其荒
淫也以族謂罪一人而及親族以世謂寵祖父而及子孫也此言
其暴亂也宮室如塢宮璇室之類土高曰臺有木曰榭澤障曰陂
停水曰池侈麗也此又言其荒淫也焚炙如炮烙之刑及奴殺菹
醢之類剗剔皇甫謐謂剖比于妻以視其胎也此又言其暴亂也
言紂無道如此故皇天震怒命我文王敬將天威以除邪虐而大
功未集而崩是以嗣業者有所不得已也然大勳在文王時初何
嘗有意于集哉武王叙此以明繼緒之意讀者當言外得之耳稱
紂名者蓋對大之詞但各篇言多稱名亦武王發揚勸厲之過與

肆予小子發以爾友邦冢君觀政于商。惟受罔有悛心。乃夷居弗事上帝。神祇遺厥先宗廟弗祀。犧牲粢盛既于凶盜。乃曰吾有民有命。罔懲其侮。悛音銓。祇音其。盛音成。肆故也。觀政猶所謂萬政爲觀兵誤矣。悛改也。夷踞既盡也。承上言我小子以爾諸侯觀商政之失得而紂無有悔改夷踞而居。雖上帝百神宗廟之祀亦廢不修。凡爲祭祀之備者皆盡于凶惡盜賊。其侮慢至此。乃謂我有民社。我有天命而無有懲戒也。是其罪尚可賞哉。按既于凶盜卽箕子所謂攘竊神示之犧牲牲也。糾罪貫盈而獨言此者神示不事他不必言矣。舉其甚之辭。天祐下民。作之君。作之師。惟其克相上帝。寵綏四方。有罪無罪。予曷敢有越厥志。相去聲。佑助寵愛也。又言天助下民爲之君以長之爲之師以教之。惟其能左右上帝以安天下而已。則有罪之當討無罪之當赦我何敢過用其心乎。一聽之于天耳。蓋亦承上以起下也。同力。度德。同德。度義。受有臣億萬。惟億萬心。予有臣三千。惟一心。度入聲。度量也。德之言得行道而有得于心也。義之言宜制事而

孫月詒云商書
又字平詢直敘
此書則商書出意
凡四稱天亦重端
文海

各適其宜也。二句意古兵志之難。而武王舉以明其德義之勝于
商也。十萬曰億。紂臣億萬。而億萬心力非不足。衆叛親離。寡助之
至。無德與義。故也有商罪貫盈。天命誅之。予弗順天。厥罪惟鈞。貫
德義則爲一心矣。商罪貫盈。天命誅之。予弗順天。厥罪惟鈞。貫
盈滿也。又言紂積惡獲罪如此。今不誅紂。是
逆天長惡也。罪豈不與紂鈞乎。亦起下之詞。予小子夙夜祗懼。受
命文考。類于上帝。宜于冢土。以爾有衆。底天之罰。底音止。底致
宜祭社名。又承上言予小子敬畏天威。受命文考。祭告上下。以爾
有衆。致天之罰于商也。王制天子將出。類乎上帝。宜乎社。造乎禰。
此先言受命文考者。以伐紂之舉。天本
命之文王。而武王特稟命以卒其功也。天矜于民。民之所欲。天必
從之。爾尙弼予一人。永海四海。時哉。弗可失。下民民所欲。天必從
而救之。今民見虐如此。爾無幾輔我一人。除其穢惡。以永清海宇。
而無失此天人合應之時也。或疑本篇時不可失。及中篇戎商必
克。下篇除惡務本之屬。似武王有心于天下。而非弼伐之本念者。
今考其時不期而會者八百餘國。天與人歸。至此已極。若不致討。
恐紂惡終不悛。而四海終不永清也。易言湯武革命。應乎天而順
乎人。聖人豈汲汲然以取天下爲心者哉。但其辭氣則不無發揚

蹈厲之
過矣

泰誓中

此暨下篇乃其日渡河及其明日頻誓之也并收誓凡四誓而後武成此聖人之慎也而世變亦可知矣

惟戊午王次于河朔羣后以師畢會王乃徇師而誓

戊音茂次止徇循也河

朔河北也以武成考之戊午是一月二十七日也

曰嗚呼西土有衆咸聽朕言

謂西方諸

侯之衆也周都豐鎬其地在西故從渡河者多西方之衆而申誓之也

我聞吉人爲善惟曰不足凶

人爲不善亦惟曰不足今商王受力行無度播棄羣老昵比罪人

淫酗肆虐臣下化之朋家作仇脅權相滅無辜顧天穢德彰聞

惟

不足者言終日爲之而猶爲不足也將言商紂凶德故以古語發之度法播放也犁鰲通黑而黃也微子所謂髦遜于荒是也酗醉怒也肆縱也言紂棄賢保罪以肆其毒于是臣下各立朋黨相爲仇讎脅上權命以相誅滅而無辜之人呼天告冤腥穢之德顯聞于上也呂氏曰爲善至極則至惟天惠民惟辟奉天有夏桀弗克治馨香爲惡至極則穢德彰聞

若天流毒下國。天乃佑命成湯。降黜夏命。

辟音璧。惠愛若順也。將言商而先以夏起之。

者。推言人君奉天子民之意。以見夏桀虐下。則湯承天心降黜夏命。而今日之舉。所以于湯有光也。

惟受罪。浮于桀。

剝喪元良。賊虐諫輔。謂已有天命。謂敬不足行。謂祭無益。謂暴無

傷。厥鑒惟不遠。在彼夏王。天其以予乂民。朕夢協朕卜。襲于休祥。

戎商必克。

喪去聲。浮過也。剝落喪去也。古謂去國為喪也。元良謂微子。諫輔謂比干。鑒視又治協應襲重也。戎猶伐也。

承上言鑒不在遠。夏罪天既黜之。今紂多罪。天其以我治民矣。况夢若卜重有休應。而伐之何疑乎。此言周之伐商。一奉天意。如商

之于夏也。受有億兆夷人。離心離德。予有亂臣十人。同心同德。雖有周

親不如仁人。天視自我民視。天聽自我民聽。百姓有過。在予一人。

今朕必往。

夷猶平也。謂庸人也。治亂曰亂。十人謂周公旦。召公奭。太公望。畢公榮公。太顛。闕天。散宜生。南宮适。九人治外。

而妃。豈姜治內也。周至也。過責也。責君不正。商罪也。言紂雖有庸人之多。不如周治臣之少。雖有至親之戚。又不如周仁人之賢。此

空亞旅師氏千夫長百夫長及庸蜀羌髳微盧彭濮人稱爾戈比

爾于立爾矛予其誓

長上聲擊莫侯反此去聲○諸侯稱友邦者親之稱豕君者尊之也此通言諸侯也御事

猶言執事也司徒司馬司空蓋周之三卿武王是時尚為諸侯未備六卿也司徒主民司馬主兵司空主土周禮所謂大國三卿亞者卿之貳所謂下大夫旅者卿之屬所謂旅下士也師氏周禮師氏王舉則從者千夫長統千人百夫長統百人此以上皆歷言內臣也庸濮在江漢之南左傳庸與百濮是也蜀髳微皆在巴蜀羌在西盧彭在北此以上特言近諸侯也稱舉比倚立建也戈矛皆戟屬千楯也戈短握執于手故言稱楯方倚衛于身故言比矛長直立于地故言立予其誓者器械嚴整士氣精明然後聽誓命也○按武王伐紂不期而會者八百國今但指稱八國者蓋八國近周西都素受約束故也周禮宰夫職正師司旅府史胥徒謂之八職今三卿即正也下大夫為亞即師也下士即旅也司為上士中士不言者亦約詞又周禮萬二千五百人為軍將二千五百人為師帥五百人為旅帥百人為卒長今稱千夫王曰古人有言曰長百夫長其各數不符蓋亦周禮未定之時與牝雞無晨牝雞之晨惟家之索索蕭索也牝雞而晨陰陽反今商常是為妖孽故家道索也

都望三帝王
伐五國大備帝王
王道亦自國富安
同伐也商放而周
同替也商湯而周
儒升而之夢湯猶
以稱自於牧野
使致乘旅三
直德去湯黎子
祭臨稱夏王
夏王天放黎子
則直作受夫二聖
是氣後時世道
隔六七百年而相
遠故特與迥別
但不必以傷書
語三德馬初後
耳。臨月峰云
典甘誓同洞但
校是車戰法也
是步戰法

王受惟婦言是用昏棄厥肆祀弗答昏棄厥遺王父母弟不迪乃
惟四方之多罪逋逃是崇是長是信是使是以爲大夫卿士俾暴
虐于百姓以姦宄于商邑今予發惟恭行天之罰長上聲○婦姐已也列女傳紂淫樂不離姐已姐已所舉者貴之所憎者誅之是也昏亂棄其當陳之祀報也王父母弟謂同祖同父之弟迥道也以昏亂棄其當陳之祀而不報厥本且棄其所遺之弟而不遇以道也長猶崇也幽明皆見昏棄惟多罪逃亡之人尊崇信使而暴虐與姦宄交作其惑溺于婦言流毒至此今之人尊崇信使而暴虐與姦宄交作其惑溺恭行天討豈得已哉今日之事不愆于六步七步乃止齊焉夫于勗哉愆過勗勉也步進趨也齊齊整也不過六步七步乃不愆止而齊此告以坐作進退之法所以戒其輕進也于四伐五伐六伐七伐乃止齊焉勗哉夫子伐擊刺也少不下四而齊此告以攻殺擊刺之法所以戒其輕進也克奔以役西土勗哉夫子桓桓威武貌貌虎屬逐逐也言將士當如猛獸奮力于商郊而其能奔而來降

歸與育考室武

一月壬辰旁死魄

武成

九月建邦啟王公

劉克爲前烈王

王季其勤王家

我文考文王克成

厥勲誕膺天命

以撫方夏大邦畏

其加小邦懷其

者則弗迎擊之以勞役我衆也。爾所弗勗其于爾躬有戮。終承上此勉其武勇而戒其殺降也。

爾所弗勗其于爾躬有戮。文言爾不勉于三者則爾躬有罪而總戒以結之也。按此篇嚴肅而溫厚與湯之誓詰相表裏真聖人之言而泰誓武成二篇之中似非盡出于一人之口豈獨此爲全書平讀者味之。

武成。史氏記武王伐紂歸周祀羣神告羣后與其政事共爲一書篇中有武成二字遂以名篇今文無古文有。

惟一月壬辰旁死魄。越翼日癸巳。王朝步自周于征伐。底商之罪。告于皇天后土。所過名山大川。曰。惟有道曾孫周王發。將有大正于商。今商王受無道暴殄天物害虐衆民爲天下逋逃主萃淵薮。予小子既獲仁人敢祇承上帝以遏亂畧。華夏蠻貊罔不率俾。惟爾有神。尙克相予以濟兆民。無作神羞。相去聲。○一月建寅之月也。詳見伊訓泰誓篇。

旁死魄。謂朔也。翼日。明日也。謂朔之次日也。凡月光既盡而爲晦。月光復蘇而爲朔。望後明減則生魄。晦後明生則死魄。而朔日魄

謂告于皇天后土。所謂過名山大川。曰惟有道曾孫。周王發將有大正。子商今商王受無道。暴殄天物。害虐丞民。為天下逋逃主。萃淵藪。予小子既獲仁人。敢祗承上帝。以遏亂畧。肇夏。變罔不率。俾恭天成命。肆予東征。綏厥士女。士女匪服。黃昭我周王。

尚未遽死。但自其旁言之。則如死魄然。故言旁死魄也。先記壬辰旁死魄。乃言翼日癸巳伐商者。猶後世言某日必先言某朔也。舊謂朔為死魄。而二日為旁死魄者。大謬。周鑄京也在京兆鄠縣之。上林。即今長安縣昆明池北。鑄陂是也。底致也。后土。社也。名山謂華大川。謂河自豐鎬往朝歌。必道華涉河也。曰者。大祝告神之詞。周禮大祝。王過大山川。則用事焉。是也有道。謂其先祖周王二字。史臣追尊之也。正。即湯誓不敢不正之正。萃。聚也。紂殄害民。物為天下逋逃罪人之主。如魚之聚淵。獸之聚藪也。仁人若十亂之屬。畧謀也。俾。廣韻曰從也。內而華夏外而蠻貊。無不率從。所謂八百。國來會。是也。作神羞。謂無功而為神羞也。此首記王伐商告神之也。既戊午。師渡孟津。癸亥。陳于商郊。俟天休命。甲子。昧爽。受率其旅。若林。會于牧野。罔有敵于我師。前徒倒戈。攻于後。以北。血流漂杵。一戎衣。天下大定。乃反商政。政由舊。釋箕子囚。封比干墓。式商容。間散鹿臺之財。發鉅橋之粟。大賚于四海。而萬姓悅服。休命代也。武王頻兵商郊。雍容不迫。以待商師至而定之。史臣謂之俟天休命。可謂善形容矣。若林。即詩所云其會如林也。倒反也。北。退走。

天休震動周附
我大邑周惟新
有神尚克相予
以濟北民無作神
羞既戊午師渡
孟津發亥陳于
商郊俟天休命
甲子昧爽受率
其旅若林會于
牧野罔有敢于
我師前徒倒戈
攻于後以北血流
漂杵一戎衣天
下大定乃反商
政政由舊擇
箕子囚封比干

也杵械也紂眾雖盛皆離心離德罔肯敵于周師其前徒倒反其
戈攻其在後之眾以走自相屠戮遂至血流標杵而周師蓋不待
血刃也反敗也改紂之虐政由商先王之舊政也武車前橫木有
所散則俯而憑之商容商之賢人閭里門也資予也武王除殘去
暴顯忠遂良賑窮罔乏天下被其澤者皆心悅而誠服之也世紀
云殷民言王之于仁賢也死者猶封其墓況生者乎亡者猶表其
閭況存者乎王之于財也聚者猶散之况其復藉之乎厥四月哉
是之謂姓悅服也此記王之定商與其新行之事也
生明王來自商至于豐乃偃武修文歸馬于華山之陽放牛于桃
林之野示天下弗服華去聲○此以下歷記王定商之後所行之
事也哉始也哉生明月三日也豐文王舊都
在京兆鄠縣即今長安縣西北豐水之上周先王廟所在也山南
曰陽桃林今華陰縣潼關也服事也樂記曰武王定商渡河而西
馬散之華山之陽而弗復乘牛放之桃林之野而弗復服車甲解
而藏之府庫倒載千戈包以虎皮天下知武王之不復用兵此之
謂既生魄庶邦冢君暨百工受命于周也既生魄望後也百工百官
也武王新即位諸侯百官
皆朝見新君丁未祀于周廟邦甸侯衛駿奔走執豆籩越三日庚
以受其命也

墓式商容閭散
鹿臺之財發鉅
橋之粟大賁于
四海而萬姓悅
服陽四月哉主明
王來自商至于
豐乃偃武修文
歸馬于華山之
陽牧牛于桃林之
野示天下弗服
丁未祀于周廟
邦甸侯衛駿奔
走執豆蓬越三
日庚戌柴望大
告武成既生魄
庶邦冢言暨百
工受命于周列

戊柴望大告武成駢爾雅曰速也廟祖廟也豆木豆籩竹豆皆祭器也柴祭天也望祭四望也王定商祭告祖廟
諸侯皆來助祭既又祭天地四望山川以大告武功之成也
王若曰嗚呼羣后惟先王建邦啓
土公劉克篤前烈至于太王肇基王迹王季其勤王家我文考文
王克成厥勳誕膺天命以撫方夏大邦畏其力小邦懷其德惟九
年大統未集予小子其承厥志恭天成命此及下一節記王告其羣后之詞也羣后諸侯
也先王謂后稷也公劉后稷之曾孫太王謂古公直父王季其子
季歷也言后稷建邦啓土始封於邰公劉居邰能修其烈太王去
邰居岐始開王業而王季能勸以繼之也文王王季子也膺受也
言文王克成厥功受天命以撫方夏大小之邦畏威懷德而是時
文王至德服事故九年未集大統也承繼也成猶定也言文王以
安天下爲心予亦以安天下爲心故承厥志以敬迓天之成命也
按凡稱王者追尊之詞周公追王大王王季上祀先公以天子之
禮而后稷稱先王不稱公者蓋散文亦得通稱抑或以郊祀配天
故肆予東征綏厥士女惟其士女惟厥玄黃昭我周王天休震動

對惟五分土惟三
建官惟賢位事
惟能重民以教
惟食喪祭悫信
明義崇德報功
垂拱而天下治
此云子所考宜
此云移以厥四月
下一段之勢既順
無間之天注玉卿
疑甲子夫叔蓋
儒以漢志推此年
置間在三月故四
月有子未康成
考其子移也鄭
聖三舊本武成無
次第先儒費解
釋訂正時不情
為周也漢時有
建官者偽作武

用附我大邑周

肆故也緩安也篚竹器玄黃幣色也昭明也武王

臣屬也承上言敬奉天命伐暴安民而士女喜周之來奉幣來迎

以昭明我周王之德是蓋天休震動用歸附我大邑周也稱大邑

周者雖君天下而猶列爵惟五分土惟三建官惟賢位事惟能重

若一邑然蓋謙詞也

民五教惟食喪祭悫信明義崇德報功垂拱而天下治

男凡五等也分土惟三百里七十里五十里凡三等也建官惟賢

不肖者不得進位事惟能不才者不得任五教謂君臣父子夫婦

兄弟朋友五典之教重之以飭人紀也而其間食以養生喪以送

死祭以追遠三者尤重之以厚民德也悫信固其信也明義陳其

義也信義立而俗無不勵崇德尊以官也報功酬以賞也官賞行
而善無不勸御世如此王者復何為哉但垂衣拱手于上而天下
自治矣按本節蓋于武成之初預告羣后以撫綏中外臣民之意
舊說王誥詞至上節已畢此乃史臣以本節約畧附述武王自治
之本末也但此列爵分土之屬非其時所可猝辦而告羣后之詞
止于上節即告詞首尾亦似未完宜解者疑其間有關文矣且使
史臣既以是記事而其後周公制爵班祿又有異同論者是以疑
爵五土三為有周之定制而周禮後出為偽書則又以一篇章節

或又作他書十款
 篇目於書出而
 動書發作以霸
 易霸千年其具
 眼可矣也。馬按
 列封惟五九句是
 史記年按太史
 子四而萬馬按
 殺句年是一片機
 據今書在法突
 提用附我大邑
 同句一是至言一
 是史記語似難
 連骨且進商者
 神司提固不平
 俾恭天成命句
 接其語或志似
 皆前度归震川
 先生考定已成
 只移張四月以下
 一段文至校附
 對心 王肅以陰

之義未完而并周先聖之
 遺經亦不白矣當更詳之

洪範

按漢志禹治洪水錫洛書法而陳之洪範是也而史記
 武王克殷訪箕子以天道箕子以洪範陳之意洪範發

之于禹至箕子乃推衍其傳
 以陳之與今文古文皆有

惟十有三祀王訪于箕子

有又通。商曰祀周曰年此曰祀者因
 箕子之辭也箕子嘗言商其淪喪我罔

為臣僕史記亦載箕子陳洪範武王封于朝鮮而不臣蓋箕子不
 可臣武王亦遂其志而不臣之也訪就而問之也。蘇氏曰箕子
 之不可使自我而絕以武王而不傳則天下無可傳者矣故為箕
 子之道者傳道則王乃言曰嗚呼箕子惟天陰騭下民相協厥居
 可代則不可也

我不知其彛倫攸叙

相去聲。乃言者難縱重其問也箕子稱舊
 邑爵者方歸自商未新封爵也騭定協台驛

常倫理也所謂彛彛人倫也武王言天于箕冥之中默有以安定
 下民輔相保合其居止而我不知其彛倫之所以叙者如何故訪
 之箕子乃言曰我聞在昔鯀陞洪水汨陳其五行帝乃震怒不界
 也箕子乃言曰我聞在昔鯀陞洪水汨陳其五行帝乃震怒不界

洪範
倫攸
卽下
子言
與鯀
而禹
末也
而第
儀春
肩六
一曰
次五
用庶
五行
者君
同蓋

九疇叙列文初洪範而韋別爲孔之以秋作八爲五行曰建徵次天人所建洪範

彝倫
音殷
也
一
之
倫
洪範
氏曰
成九
而麟
足即
次二
用皇
九曰
合矣
極以

彼數汨音異與也汨音異次九汨音異類原汨音異敗也汨音異之九汨音異天與汨音異類易汨音異至其汨音異洛書汨音異曰敬汨音異極次汨音異勸用汨音異立天汨音異

言河出
 禹神廟
 類彙倫
 出千五
 也數勝
 侯大獲
 骨數立
 縣則破

百妬○
戰法曉
敗錫眼
大鯨逆
水性地
備以叙
龜負立
出圖冬
也世傳
而其所
事次三
又用三
效用六
爭之輔
綱也三

乃言
賜也
逆水
地平
故也
大而出
帶出
得戴
所以
二曰
二德
六極
補天
一德

此箕子
出皆有
聖人
九履一
而用八
次七日
此九
具于
紀者
天以

聖其答
天下之
王宰言
非叙
以天出
首荅
數自
則之
左三
政次
明用
之綱
人爲
天時
治人
士

禹洪也。隱也。大法。天以故。天以書。千一。至如。簫右。七次。以四。曰稽。疑也。運五。事之。示稽。疑。

塞汨其顛理言震怒洛以九疇九韶韶奏二四是準協用次八于天以五援人而

亂陳
 有九
 也箕
 不以
 賜之
 之本
 遂因
 而鳳
 爲初
 焉紀
 五紀
 曰念
 爲五
 事參
 皇極
 以質

於天地之間故曰
行也左信時具
於必而氣行乎
天以時而治也
三序則曰水火木
金土以氣而治
其五三序則曰
水火土金水之潤
者性也炎者氣
之上下者也直
者性也曲者氣
人焉也水曰潤則
火曰炎則木曰
大槩土得木敷
飲可知也火曰炎
則水潤土曰炎
金者亦知也水曰
下火曰上則木在
金在土中可知也
金曰從革則木
土化水因火革
可知也木爰火
土居火則土居

天無徵推天而徵之人。福極因人而感于天也。五事曰敬以謹身也。八政曰農以厚生也。五紀曰協以合天也。皇極曰建以立極也。三德曰又以治民也。稽疑曰明以辨惑也。庶徵曰念以審幾也。五福曰爵所以勸也。六極曰威所以懲也。五行不言用無適而非用也。皇極不言數非可以數名也。本以五行故以五事厚以八政協以五紀。皇極之所以立也。又以三德明以稽疑。念以庶徵。勸懲以福極。皇極之所以行也。人君一五行。一曰水。二曰火。三曰木。四曰金。五曰土。水曰潤。下火曰炎。上木曰曲。直金曰從革。土爰稼穡。潤下作鹹。炎上作苦。曲直作酸。從革作辛。稼穡作甘。此以下九疇之土者。五行始生之序。天一生水。地二生火。天三生木。地四生金。天五生土也。唐孔氏曰。萬物成形以微著為漸。五行之先後亦然。水最微為一。火漸著為二。木形實為三。金體固為四。土質大為五也。潤下炎上。曲直從革。以性言也。稼穡以德言也。潤下者潤澤而又下行也。炎上者炎熱而又上升也。曲直者屈曲而又聳直也。從革者順從而又改革也。稼穡者稼長而又穡成也。土獨以德言者。土兼五行無正位。無成性。而其生之德莫盛于稼穡。故以稼穡言也。稼穡不可以為性。故不云曰而云爰。爰于也。于是稼穡而已。非所

也土化言能滋養
潤能教能致也水
因者因甘而甘因
苦而苦因酸而酸
者因白而白也火
革者革生也言
聖革柔以爲仁
革剛以爲義也金
不能化非火革之
則不化故曰從
革未至云金一
從一革互相受
而體不受不日
從人之革也未
三五步以思焉
至蓋不可見而
行乎四時之間
也哉然者漸
必自其可見者
爲之直西山云
五事德以教之

名也作爲也鹹苦酸辛甘者五行之味也五
行有聲色氣味而獨言味者以其切于民用也

曰言三曰視四曰聽五曰思貌曰恭言曰從視曰明聽曰聰思曰

審恭作肅從作乂明作哲聰作謀審作聖

貌言視聰思者五事之序本乎五行貌澤水也

言揚火也視散木也聽收金也思通土也人始生則形色具既生

則聲音發既言而後能視而後能聽而後能思故其序悉如五行

也恭從明聰審者五事之德也恭者敬也從者順也明者無不見

也聰者無不聞也審者無不通也肅乂哲謀聖者五德之用也肅

嚴整也乂條理也哲灼知三八政一曰食二曰貨三曰祀四曰司

也謀審度也聖通明也

空五曰司徒六曰司寇七曰賓八曰師

食若貨以養生祀以報本也司空掌土以安居司徒

掌教以成性司寇掌禁以治姦也賓以懷侯柔遠師以除殘禁暴

也此八者食爲民所急貨爲民所資故食居首而貨次之兵非得

已故居四五紀一曰歲二曰月三曰日四曰星辰五曰曆數

歲者序春

未也夏秋冬也月者定晦朔弦望也日者正晝夜永短也星辰者審次

舍緩急也曆數者綜元會運世也五星行于天爲經星二十八宿

一言教又五事

之至也。食貨

祀賓。諸事

為名三卿。中

官。為名者三官

一。王事多。故

百以極事也

月

卷四

三

附于天為緯。星日月會于天

五皇極。皇建其有極。斂時五福。用敷

為辰。日月歲遷。積為曆數。

錫厥庶民。惟時厥庶民于汝極。錫汝保極。皇君建立也。極猶北極

名也。敷布錫予。保守也。蓋人君自堯舜之大。以至言動之細。無不

極其義理之當然。而無一毫過不及之差。則有以立四方之標準

而極建矣。極者福之本。福者極之驗。君既建極。集福于上。非徒自

厚而已。用以敷于庶民。使皆觀感而化。所謂敷錫也。而庶民亦皆

于君所錫之極。與之保守。不墜。所謂錫保。凡厥庶民。無有淫朋。人

也。蓋皇極之道。君民所以相錫者如此。無有比德。惟皇作極。人比去聲。○淫邪貌也。比阿附也。人謂有位之

為庶民。故上文總言之。而此分言之也。言庶民與有位。皆無邪私

朋比者。惟君為之極。而使之有所取正耳。申言君敷錫而民錫保

之義。凡厥庶民。有猷有為。有守。汝則念之。不協于極。不罹于咎。皇

則受之。而康而色。曰。予攸好德。汝則錫之福。時人斯其惟皇之極

好去聲。○此即無位之庶民以申之也。汝謂君也。有猷有謀。慮者

有為。有施設者。有守。有操守者。此三者。所謂中人以上。君之所當

念而不忘也。不協于極，未合于善也。不罹于咎，亦不陷于惡也。此則所謂中人進之則造于善，棄之則流于惡。君之所當受而不拒也。上之隨才以成就者如此。斯時之民，苟見于外而有安和之色，發于中而有好德之言。汝則錫之以福，而是人無問中人以上與中人，斯其惟皇之極矣。上文所謂敘福君以極歛福也，指福之全體而言。此所謂錫福君以祿錫民也，指福之一端而言。以下文汝雖錫之福，二無虐。獎，獨而畏高。明至顯雖其至微，善則當勸之而不加虐。雖其至顯，不善則懲之而不人之有能有為，使羞其行而之畏。此結上文而起下文之義也。

邦其昌。凡厥正人，既富方穀。汝弗能，使有好于而家。時入斯其辜，于其無好德。汝雖錫之福，其作汝用咎。

行去聲。好德之好去聲。○此卽有位之人以申之也。

有能有才智者，謂無猷守而但有能有為也。羞，進也。正人，如康誥惟厥正人，富祿之也。穀，善也。好和也。言上于在位之人，必使之益進其行而邦國乃昌。而其道在祿以養之，不則家且不安而行安能進也。此見善人富錫以祿，也不好德，猶言無能無為也。錫以福卽祿以富之也。互文也。又言非所祿而祿以養之，則爲汝用咎惡之人而非使益羞其行之意也。此見不善人不可錫以福也，必祿

之而後責其進善者聖人設無偏無陂遵王之義無有作好遵王

教欲中人以上皆可能也

之道無有作惡遵王之路無偏無黨王道蕩蕩無黨無偏王道平

平無反無側王道正直會其有極歸其有極

也黨不公也作則有意也反則倍常側則失正也蕩蕩廣遠也平

平平易也正則不邪直則不曲也偏陂好惡皆私之生于其心偏

黨反側皆私之見于其事遵義遵道遵路所以會其有極會者合

而來也蕩蕩平平正直所以歸其有極歸者來而至也此節蓋詩

之體所以使人吟咏者即下所謂敷言也夫歌咏以協其音反覆

以致其意戒之而懲剗其邪心訓之而感發其善性諷詠之間恍

數言同韻蓋詩

然而悟悠然而得忘其傾邪狹小之私達乎公平廣大之則人欲

消息天理流行會極歸極有不知其所以然而然者此與周禮大

師敎以六詩者同一機而其功用尤切以要也後世曰皇極之敷

此意不傳皇極之道其不敷暢于天下也有以哉

言是敷是訓于帝其訓言也帝謂天也承上言此皇極之敷言以

是常理為是大訓豈君其訓之哉乃于天其訓之也蓋理出

于天所言純乎天則即為天之言矣此贊敷言之妙如此

凡厥

詩經卷之六
詩經卷之六

庶民極之敷言是訓是行以近天子之光曰天子作民父母以為

天下王是訓奉是為訓也是行奉是為行也光者道德之光華也

其義而尊之也承上言天子之奉天訓民如此則其時庶民皆于

極之敷言訓行以近聖光而尊親交戴矣蓋庶民之于天子性一

而已故其敷言之感通至于如六三德一曰正直二曰剛克三曰

柔克平康正直彊弗友剛克變友柔克沈潛剛克高明柔克謂不

剛不柔也克治也友順變和也平康者坦易而康和此無過不及

而不雜于氣稟習俗者也彊弗友者強梗而弗順變友者和柔而

順此習俗之過不及也沈潛者沈深而潛退高明者高亢而明爽

此氣稟之過不及也故歟民平康則君以正直之德處之無所事

于剛柔而無為而治矣彊弗友則以剛德克之以剛克剛也變友

則以柔德克之以柔克柔也沈潛則又以剛德克之以剛克柔也

高明則又以柔德克之以柔克剛也正直之用一而剛克柔克之

用四聖人撫世酬物三德互用陽以舒之陰以斂之執其兩端用

其中于民所以納天下惟辟作福惟辟作威惟辟玉食臣無有作

民俗于皇極者蓋如此

陳氏云皇極以
休常三德以言
變言以言以臣
行叔則言不
下終

福作威王食

辟音壁○福威者上所以御下王食者下所以奉上皆曰惟辟者下移則替臣則無有者上僭則凌此以

下因言撫治之歸于一臣之有作福作威王食其害于而家凶于而非下之所得擬也

而國人用側頗僻民用僭忒

忒過也言臣而僭上則大夫必害于

而家諸侯必凶于而國矣夫諸侯大夫固皆在上位而佐君以治民者也有位之人既反側頗僻而不安其分即無位之民亦僭忒而不守其常極言

僭上之患如此

七稽疑擇建立卜筮人乃命卜筮

稽考也有所疑則卜筮以

考之也龜曰卜書曰筮擇者書龜至公無私紹天之明故卜筮者亦必擇至公無私之人而建立之然後使之卜筮而傳著龜之意也曰雨曰霽曰蒙曰驛曰克曰貞曰悔凡七卜五占用二衍忒者

滋潤如雨其兆為水霽者開明如霽其兆為火蒙者蒙昧相蔽其兆為木驛者絡驛相屬其兆為金克者交錯相勝其兆為土此卜兆之五也內卦為貞外卦為悔左傳蠱之貞風其悔山是也又原卦為貞之卦為悔國語貞屯悔豫皆八是也此占卦之二也衍推忒差也卜五占二合之凡立時人作卜筮三人占則從二人之言七皆以推人事之過差也

時是也猶言其人也此占兼謂卜兆占卦也對文則分卜與占散
文通曰占也凡卜筮必立其人為占之人而其數凡三人以備
參考而從二汝則有大疑謀及乃心謀及卿士謀及庶人謀及卜
人之言也

筮汝則從龜從筮從卿士從庶民從是之謂大同身其康彊子孫
其逢吉汝則從龜從筮從卿士逆庶民逆吉卿士從龜從筮從汝
則逆庶民逆吉庶民從龜從筮從汝則逆卿士逆吉汝則從龜從
筮逆卿士逆庶民逆作內吉作外凶龜筮其違于人用靜吉用作
凶內謂祭祀等事外謂征伐等事靜謂靜守動謂動作也言稽疑
以龜筮為重君卿士庶與龜筮皆從是之謂大同固吉也君與
卿士但有一從而龜筮不違亦皆吉若龜從筮逆則可作內事不
可作外事龜筮其違則可靜守不可動作也有龜從筮逆而吉無
筮從龜逆而吉者龜尤聖人所重傳言筮短龜長是八庶徵曰雨
也自夫子贊易極著著卦之德著重而龜書不傳矣

曰暘曰燠曰寒曰風曰時五者來備各以其叙庶草蕃廡微驗也所驗非

二卷之數皆若
其五之再行

省以下是五
等政

五月

三

一故謂之庶也。時者雨暘燠寒風各以時至，卽所謂叙也。來備者至而無缺也。蕃廡豐茂也。五者來備而不失其叙，庶草且蕃廡矣。他可知也。○吳仁傑曰：易坎爲水，北方之卦也。又云：雨以潤之，則雨爲水爲冬矣。離爲火，南方之卦也。又云：日以烜之，則暘爲火爲夏矣。小明詩云：二月初吉，又云：日月方燠，則燠爲木爲春矣。左傳：狐突云：金寒也。顏師古云：金行在西，故謂之寒。則寒爲金爲秋矣。風無定王，則爲四季爲土也。蓋五事本于五行，庶徵本于五事，其條理次第相爲貫通，有秩然而不可紊亂者。一極備凶。○一極無凶。○極備過多也。極無過少也。唐孔氏曰：雨多則曰休徵，曰

肅時雨若曰乂。時暘若曰哲。時燠若曰謀。時寒若曰聖。時風若曰
咎。徵曰狂。恒雨若曰僭。恒暘若曰豫。恒燠若曰急。恒寒若曰蒙。恒

若順也。狂妄。僭差。豫怠。急迫。蒙昧也。時恒皆稱若者。各順其得失以應之也。在天爲五行。在人爲五事。五事修則休徵各

以類應五事失則咎徵亦各以類應也然天人相與之際亦微矣後世之儒之言徵應者膠固不逮不足與語造化之妙其得失之機應感之象非知曰王省惟歲卿士惟月師尹惟日省五事休咎道者孰能識之哉

曰語離省者
省五事休咎

之徵也。王者之失得其徵以歲。卿士之失得其徵以月。師尹之失得其徵以日者。蓋各以大小省之也。歲月日時無

易百穀用成。又用明。俊民用章。家用平康。易變也。猶失也。成登又治章顯也。平康安寧也。

言由五事之得而休徵應。故歲月日之間。雨暘燠寒風不失。日月其時。而其嘉祥至于歲功成。治功明。朝有賢良。家無蠱壞也。日月

歲時既易。百穀用不成。又用昏不明。俊民用微。家用不寧。微之言隱也。言

由五事之失而咎徵應。故日月歲之間。雨暘燠寒風各失其時。而其乖戾至于歲功廢。治功昏。野有遺賢。家無寧象也。休徵言歲月

日者總于大也。咎徵言。庶民惟星。星有好風。星有好雨。日月之行。日月歲者起于小也。

則有冬有夏。月之從星。則以風雨。好去聲。此因王與卿士師尹之省而及庶民也。惟星者民之

履乎土。猶星之麗乎天也。好風好雨者。箕星好風。畢星好雨也。日月之行。謂日有中道。月有九行也。月之從星。謂入從其度也。日之

中道。謂之黃道。北至東井。去極近。南至牽牛。去極遠。東至角。西至

婁。去極中也。月之九行。黑道二。出黃道北。赤道二。出黃道南。白道二。出黃道西。青道二。出黃道東。并黃道為九也。有冬有夏者。日之中道極南至于牽牛。則為冬至。極北至于東井。則為夏至。南北中

東至解西至婁則爲春秋分月之各行立春春分則從赤道立秋
秋分則從白道立冬冬至則從黑道立夏夏至則從赤道也以風
雨者月行東北入于箕則多風月行西南入于畢則多雨也民不
言省者在下之休咎係在上之得失也言月之從星者民生之衆
寒者欲衣飢者欲食鰥寡孤獨者各欲得所此固鄉士師尹近民
者之貴也以日月之常行而從星之異好以鄉士師尹之常職而
從民之異欲則所謂從者不失于戾民亦不嫌于徇民矣言月不
言日者從星惟月爲可見耳言日月不言歲者有冬有夏所以成
歲功也蓋鄉士從民九五福一曰壽二曰富三曰康寧四曰攸好
而王與師尹可知矣
德五曰考終命好去聲○人壽則享諸福故先之富者有康祿也
受其正也以福之康寧者無患難也攸好德者樂其道也考終命者
急緩爲先後也六極一曰凶短折二曰疾三曰憂四曰貧五曰
惡六曰弱反福爲極極之言盡猶今言算盡也凶者不得其死也
不安也憂者心不寧也貧者用不足也惡者剛之過弱者柔之過
也以極之重輕爲先後也五福六極在君則係于極之建不建在
民則由于訓之行不行感應之理微矣

旅葵

時西旅貢葵召公以為非所當受作書以戒武王亦詰體也故因以旅葵名篇今文無古文有

惟克商遂通道于九夷八蠻西旅底貢厥葵太保乃作旅葵用訓

于王

底音止葵音敖○東曰夷南曰蠻舉東南以該西北也職方言四夷八蠻爾雅言九夷八蠻蓋因時為種落之多寡與通

道謂來王也武王克商威德廣被九州之外梯山航海而至道路自通非王有意于開邊而斥大境土也西旅西戎國名犬高四尺曰葵說文曰犬知人心可使者也公羊傳昔靈公欲殺趙盾盾階而走靈公呼葵葵亦階階而從之則葵能曉解人意猛而善搏非特以其高大而曰嗚呼明王慎德四夷咸賓無有遠邇畢獻方已太保召公奭也

物惟服食器用

慎德一篇之綱領也方物謂方土所生之物明王謹德不肆四海賓服所獻方物亦博矣然亦惟服

食器用則獻之而王乃昭德之致于異姓之邦無替厥服分寶玉已言無異物也

于伯叔之國

時庸展親人不易物惟德其物之致即謂所獻之方

物凡服食器用之類也寶玉亦德致之方物以供鎮瑞之屬之用特稱寶玉者舉其大也替廢服職時是庸用也展省也猶念也昭

凡方物于異姓使之無廢其職如分陳以肅慎氏之矢之類分寶
玉于同姓用以益厚其親如分魯以夏后氏之璜之類王者以德
之所致分賜諸侯故諸侯亦不德盛不狎侮狎侮君子罔以盡人
心○狎侮小人罔以盡其力○德盛則動容周旋皆中于禮故不狎侮
去之矣○君子勞心以狎侮而心離小人勞力以狎侮而力匿不役
皆極言其不可狎侮也○蓋貴畜輕人即狎侮之意故明之
耳目○百○度○惟○貞○貞正也言不役于耳目之玩人喪德○玩物喪志○喪去
聲○玩人即狎侮君子小人也玩物即役志○以道寧○言以道接○道
耳目也○喪志則德不盛喪志則度不貞○所當由之理也已之志以道而寧則不至妄發人之言以道而接
則不至妄受存乎中者所以應乎外制乎外者所以養其中此古
聖賢心法之正而喪不作無益害有益功乃成不貴異物賤用物
德喪志所以絕也
民乃足○犬馬非其土性不畜○珍禽奇獸不育于國○不寶遠物○則遠
人格○所寶惟賢則邇人安○孔氏曰遊觀為無益奇巧為異物周穆王得白狼白鹿而荒服不至則寶遠物

孫月峰三與太
甲下篇同潤

而遠人不格也。商王受焚炙忠良而眾畔親離。謂之一夫。則不寶賢而適人不安也。此節凡三層。至所寶惟賢。則益切至矣。皆上文道寧道接。嗚呼。夙夜罔或不勤。不矜細行。終累大德。為山九仞。功之實也。

虧一簣。行累並去聲。○或猶言萬一也。呂氏曰。此即謹德工夫。或

以細累大。指受焚而言也。八尺。允迪茲生。民保厥居。惟乃世王。迪

曰。勿實土龍也。又引以譬之。也。信能行此。則民居保而王業永矣。言此以總結上文也。蓋君德之敬怠。間不容髮。苟留一毫未盡之隙。即遺萬民無窮之憂。以武王之聖。創業垂統。而公所以警戒者。猶如此。則慎德為萬化之源。可知矣。後之人君。可不深思而加念之哉。

金縢

時武王有疾。周公忠君愛國之至。請命三王。欲以身代

其藏于金縢之匱。編書者因以金縢名篇。今文古文皆有。○唐孔氏曰。發首至王季文王。史佚將告神之事。史乃册祝至屏壁與主。記告神之辭也。自乃卜至乃瘳。記卜吉及王病瘳之事。自武王既喪以下。又記周公流言居東。及成王迎歸之也。

金縢

卷之八

二

既克商二年。王有疾弗豫。以克商記年見其未久也弗豫不悅也二公曰我其爲王

穆。爲去聲。二公太公召公也。穆猶言其卜。李氏謂敬而有和意也。古者國有大事而卜則公卿百執事皆在誠一和同

以聽卜筮故各其卜曰穆卜下文風雷之變王與大夫盡弁啓金縢之書以卜是也先儒專以穆爲敬則于所云其勿穆卜者義難

通矣周公曰未可以戚我先王。戚憂也穆卜必于祖廟上下悚皇神人震動是以王疾而憂我先王也下

文云自以爲功則不穆卜云爲壇墠則不于祖廟且告太王公乃王季文王而已則于遠祖蓋有不及者此蓋起下文之詞也公乃

自以爲功爲三壇同墠爲壇于南方北面周公立焉植璧秉珪乃

告太王王季文王。壇音善。功事也築土曰壇除地曰墠三壇皆南向三王之位也其南別爲一壇北向周公立

焉以告先王也植置也珪璧以禮神詩言珪璧既卒周禮裸圭以祀先王是也周公卻二公之卜而乃自以爲功者蓋二公不過卜

武王之安否耳而周公愛兄之切危國之至忠誠懇懇于祖父之前如下文所云者有不得盡焉此所以自以爲功與然則所云未

可以戚我先王而辭其穆卜者殆未足盡周公之心矣史乃冊祝曰惟爾元孫某遘厲虐疾

若爾三王是有丕子之責于天以旦代某之身

史太史也冊祝如今祝版之類爾謂

三王元孫某謂武王也。遘遇厲惡虐暴也。若如也。丕子猶言元子。且周公名也。言武王爲天元子。幽三王當任其保護之責于天而不可聽其死。倘元子當死則請以旦代其身也。死生有命而乃請以身代者方是時天下未安王業未固使武王死則宗社傾危生民塗炭變故有不可勝言者。周公忠誠切至欲代之死以紓危急故精神感動卒得命于三王。今世之匹夫匹婦一念誠孝猶足以感格鬼神顯有應驗而况元子仁若考能多材多藝能事鬼神乃聖乎是固不可謂無此理也。子仁若考能多材多藝能事鬼神乃元孫不若旦多材多藝不能事鬼神。仁愛若順也考謂祖考通指承上言我素愛順祖考而又多材多藝能任役使乃命于帝庭敷以事鬼神而元孫不如旦也。蓋明代之意如此。乃命于帝庭敷佑四方用能定爾子孫于下地。四方之民罔不祇畏。嗚呼無墜天之降寶命我先王亦永有依歸。乃指武王也。下地對帝庭而言寶命卽帝庭之命也。又承上言武王受命于上帝之庭布德以佑四方用定爾子孫于下土使四方之民無不敬畏此其任大責重三王必無聽其死以墜失寶命庶先

王伯厚云金縢
謂周文王時
未獲大風雷雨
天書而大木盡
拔周國大無所
與大夫朝服以
金縢掩棺傳云
成王諸侯孔
葬周公而皇天
動風雷雨者
災家活傳云成
王有病也殆公
自前承以記
乃書而藏之記
府及王能治國
有貽生言周公
以爲亂周公走
而奔于楚成王
親于記府以周
公記書以流涕
曰孰謂周公旦
以爲亂乎此又

王之祀亦永有
今我即命于元龜爾之許我我其以璧與珪歸俟
爾命爾不許我我乃屏璧與珪
許者許公請而保安武王也以璧
珪歸俟爾命者俟有安武王之命而他日亦得以事神也屏璧與
珪者屏而藏之不得事神也蓋武王喪則周業必墜雖欲事神有
不可得者其稱爾稱我無異人子之在膝下以語其親者然
此乃終身慕父母與不死其親之意于以見公之達孝也
乃卜
三龜一習吉啓籥見書乃并是吉
參考三龜三人所卜之龜也習
重也一習吉謂二龜之兆同吉也是謂其一公曰體王其罔害予
龜也開籥見卜兆之書乃并其一龜亦吉也
小子新命于三王惟永終是圖茲攸俟能念予一人
也茲攸俟即
上文所謂歸俟也予一人謂武王也言觀卜兆之吉王疾其無所
害我新受三王之命而惟厥終之永圖茲但歸以俟之三王當念
我王使之安也言三王不言天者公歸乃納冊于金縢之匱中王
翼曰乃瘞之明日也瘞愈也金縢之匱乃周家藏卜筮書之器每

以公王有疾房
成王弟也亦與
侍侍同訓則云
秦既歸書時人
引言金勝市失
其本末尚軒曰
滅力以面造化
金勝之來祝之辭
不生妄傳者。
却楚之云金勝
大浩高次之義
并代可傳又風
雅詩什印證周
公何嘗有東征
殺管仲叔議詐
刺諸侯之市叔
管叔出自孔書
蔡仲之命誤于
解金勝我亦
辟一語孔氏此
位周公朝諸侯
誤于解治諸國

則以告神之辭書于冊既卜則納冊于匱而藏之故周公卜三龜而啓籒見書啓此匱也後成王遇變欲卜而啓金勝亦啓此匱也卜筮先王不敢廢故金勝其匱而藏之或訓似周公始爲匱藏此冊祝爲後來自解計者非也武王既喪管叔及其羣弟乃流言于國曰公將不利于孺子管叔名解武王弟周霍叔處也流言無根之言如水之流也孺子謂成王也商人兄死弟立者多武王崩成王幼周公攝政商人固已疑之矣又管叔于周公爲兄尤所覬覦故相與流言于國以危懼成王而動搖周公也史氏言管叔及其羣弟而不及武庚者所以深著三叔之罪也周公乃告二公曰我之弗辟我無以告我先王辟讀爲避鄭氏詩流言避居東都是也漢孔氏以爲致辟于管叔謂誅殺之也夫三叔流言以公將不利于成王矣周公豈容遽與兵而誅之且是時王方疑公公將請于王而誅之固未必從如不請而自誅之亦非所以爲周公矣此蓋言我之不避則義有所不盡無以告先王于地下也公豈自爲身計哉周公居東二年則罪人斯得居東居國亦自盡其忠誠而已矣流言之起成王未知罪人爲誰二年之于後公乃爲詩以貽王名後始知其爲管蔡矣斯得者遲之之詞

公延保文武之
命惟七年之文
千古承訛習而
不察故謬書不
可卒論先儒
誤解金縢經周
公殺之故大浩以
下諸篇謬多不
曉夫既下達聖
人之情焉能解
人之情及稱大浩
殺之而外則
何也思之
以二公起以二公信
中言二公及王
夢日派言不
是公言而東而
平德者二公謂
其言外是而
其言外是而
其言外是而

之曰鴟鴞王亦未敢謂公鴟鴞惡鳥也以其破巢取卵比武庚之
得則成王之疑十已去其四五矣秋大熟未穫天大雷電以風禾盡偃大木斯拔
邦人大恐王與大夫盡弁以啓金縢之書乃得周公所自以為功
代武王之說盡弁爲卜也得者發金縢之書本將卜天變而偶得
者非是按秋大熟係于二年之後是成王迎周公蓋二年秋也東
山之詩言自我不見于今三年則居東之非東征明矣蓋周公居
東二年成王因風雷之變親迎以歸三叔懷流言之罪遂荷二公
武庚以叛成王命周公征之其東征往反首尾又自三年也二公
及王乃問諸史與百執事對曰信噫公命我勿敢言之疾二公知
之其冊祝之文二公初未之知也諸史百執事蓋卜筮執事之人
成王使卜天變者即前周公使卜武王疾者也故問周公自以為
功之說皆謂信有此事已而嘆息言此實公命我爲王執書以泣
之而不問我勿敢言耳孔氏謂周公使之勿言者非王執書以泣
曰其勿穆卜昔公勤勞王家惟予冲人弗及知今天動威以彰周

也其紀事之妙則
左傳史記之所
出孫子之書
皆得由家到致
古法者詞之極
也

公之德惟朕小子其新迎我國家禮亦宜之

新當作親成王欲卜
天變既得周公册祝

之文遂執書以泣言今不必更卜天示我矣昔公勤勞王室我幼

不及知今天動威以明公德我小子親迎公以歸其于國家之禮

亦宜王出郊天乃雨反風禾則盡起二公命邦人凡大木所偃盡

起而築之歲則大熟國外曰郊築猶植也成王自往郊親迎公而

謂其不可信哉又按武王疾瘳四年而崩羣叔流言周公居東二

年罪人既得而成王迎周公以歸凡六年事也編書者附于金縢

之末以見其事之首末

與金縢書之顯晦也

大誥武王克殷以殷餘民封紂子武庚命三叔監之武王崩

避位居東後成王悟迎周公歸三叔懼與武庚叛成王乃命

周公東征以討之大誥天下而編書者因以名篇篇中言武

庚而不言管叔者猶賜賜之心也凡九稱卜者邦君御事疑

難大不可征而周公以討叛卜吉之義與天命人事之不可

違者反覆詰諭之

也今文古文皆有

也今文古文皆有

也今文古文皆有

也今文古文皆有

也今文古文皆有

也今文古文皆有

也今文古文皆有

王若曰。猷。大誥爾多邦。越爾御事。弗弔。天降割于我家。不少延。洪惟我幼冲人。嗣無疆大歷服。弗造哲迪。民康矧曰。其有能格。知天命。猷發語辭。弔恤也。猶詩不弔昊天。之弔。割害也。延遲也。洪大惟思也。冲人。成王自稱。歷歷數也。服五服也。哲明哲也。格猶格物之格。言武王不少待而喪。大恩我幼冲之君。嗣守大業。倘弗能灼知事理。以導民于安康。則人事且有未至。而况言其能格知天命乎。蓋言此以起篇。已。予惟小子。若涉淵水。予惟往求朕攸濟。敷責中卜吉之意也。

敷前人受命。茲不忘大功。予不敢閑于天降威用。責音秘。已承上語辭。已而不

能已之意。若涉淵水者。懼責之難任。惟往求朕攸濟者。真事之得成。敷責者。陳布其章明之法。敷前人受命者。開裕其久大之基。茲

予所以不忘武王之大功也。武庚不靖。天固寧王遣我大寶龜。紹命予誅之矣。予敢閑抑其威用而不之討乎。寧王遣我大寶龜。紹

天明。卽命曰。有大艱于西土。西土人亦不靖。越茲。養。寧王武王也。下文亦曰寧

考蘇氏曰。當時謂武王爲寧王。以其克殷而安天下也。卽命。命卜也。龜動而無知之貌。言寧王遣我大寶龜者。以其可以紹介天命。

以定吉凶也。翼嘗命卜。而其兆謂將有大艱難于西土。西土之人亦不安靖。是武庚未叛之時。而兆已預告矣。及此果蠱蠢然而動。其卜可驗如此。蓋將言下文伐殷卜。殷小腆。誕敢紀其叙。天降威吉。爾先發此以見卜不可違之意也。

知我國有疵。民不康。曰。予復反鄙我周邦。今蠶。

降威。厚誕。大叙。緒也。

病也。言武庚以小厚之國。乃敢大紀其既亡之緒。何哉。是蓋天降禍亂。知我國有釁。而民不安。其意欲復殷邦。夷周室。而所以蠢動于茲。今翼曰。民獻有十夫。予翼以于牧寧。武圖功。我有大事休。朕也。

卜并吉。

救音弭。予翼猶言翼予也。于往救撫寧。定武繼也。大事謂戎事也。休美也。言今之明日。民之賢者十夫。輔我以往。

撫定而繼先王所圖之功矣。我何以遽往如此哉。蓋我有大事。必底于休美。朕今卜三龜而并吉也。上文卽命曰有大艱于西土者。卜于武王方崩之時。此朕卜并吉者。卜肆予告我友邦君。越尹氏。于將伐武庚之日。先儒合以爲一誤矣。肆予告我友邦君。越尹氏。庶士御事。曰。予得吉卜。予惟以爾庶邦于伐殷。通播臣。爾庶邦君。越庶士御事。罔不反曰。艱大。民不靖。亦惟在王宮邦君室。越予小。

子考翼不可征王害不違

害音過。肆故也。尹氏謂卿也。奉誓御事在庶士之上。其御事指三卿而

言。牧誓御事通在三卿亞旅諸官之上。其御事指諸人而言。此庶士御事在尹氏之下。其御事即指庶士而言。蓋御事猶言執事

爲上下之通稱。故因文見義也。下文言庶士御事不言三卿者。包其中也。殷通播臣謂武庚及其羣臣。通亡播遷之臣也。王宮自其

親而言。邦君室自其爵而言。謂三叔也。考翼老成敬慎之人也。害曷同。承上言。予以吉卜。告邦君御事往伐武庚。然而邦君御事無不

反曰。艱難重大。不可輕舉。且民不靖。雖由武庚。然亦在干王之宮邦君之室。三叔不睦。實兆釁端。以故我小子與老成者皆謂不可

征也。王曷不違卜而勿征乎。此述肆予冲人永思艱曰。嗚呼。允蠢邦君及庶事不奉王命之意也。

鰥寡哀哉。予造天役。遺大投艱于朕身。越予冲人不叩自恤。義爾

邦君。越爾多士。尹氏御事。綏予曰。無志于恤。不可不成。乃寧。考圖

功。印音昂。瑟音祕。造爲也。天役猶言天吏。謂非予之役。而天之役也。義爾邦君以義勸邦君用賢爲勉也。瑟勤恤憂也。承上言

邦君御事之違阻如此。我冲人豈不永思其事之艱大哉。亦知四國蠢動害及鰥寡深可哀也。夫我之所爲皆天之所使。天實以其

天之所以名開說
難國家多難者
正我成功一正在

甚大者遺我甚艱者投我我冲人固不暇自憂恤矣而爾邦君及爾多士尹氏御事之義能聽之乎尙安我曰君無勤于憂武王所圖之功誠不可不成也而奈何反阻我乎已予惟小子不敢替上帝命天休于寧王與我小邦周寧王惟卜用克綏受茲命今天其相民矧亦惟卜用嗚呼天明畏弼我不丕基相去聲○已承上文責邦君以下而言也休猶眷也天明卽前所云紹天明也言伐武庚而得吉是上帝命伐之也帝命其敢廢乎昔天眷武王由百里而有天下固惟卜是用所謂朕夢協朕卜簒于休祥是也今天佑斯民避凶趨吉况亦惟卜是用乎故又嘆息言天之明命可畏乃用以輔成我不丕基以深見卜不王曰爾惟舊人爾丕克遠省爾知寧王若勤哉天閱可達之意也天之一言王曰爾惟舊人爾丕克遠省爾知寧王若勤哉天閱天之一言懋我成功所予不敢不極卒寧王圖事肆予大化誘我友邦君天

渠忱辭其考我民予曷其不于前寧人圖功攸終天亦惟用勤懋

我民若有疾予曷敢不于前寧人攸受休畢閔音祕○前稱王若曰此以下又連稱王

史氏漸云又武成
之祭三大者皆
卜而決又獲卜非
能得太公而造
用之謀於此成
後所謀多楊朕
卜而與國之基
於此建三豎此
當王少國時
日朕卜并吉而安
周之功于此者
家三豎此卜而
與之向中於卜三
豎者已而止
孫月峰云周公
以流言避居東
管仲時紂王
是時紂王
唐尚在西及王
唐風雷三爻
公野東方徐
諸國又以此

曰未又稱予永念曰者諱復戒勉之詞也闕者閉而不通愆者艱
而非易成功所謂成功之所在也化者化其固執誘者誘其順從
棗輔也寧人武王之大臣猶謂武王為寧王也上文兼言小子考
翼不可征而所謂考翼固武王時之舊臣也故又特呼而告之曰
爾惟武王之舊人爾大能遠省前事爾豈不知武王若此之勤勞
哉夫今此之功乃我國家成功之所在而天若使之閉而不通艱
而非易予敢不于寧王所圖之事而極卒之乎肆予大化誘我友
邦天子冥冥之中實輔我以誠信之詞考之民獻十夫的然以為
可伐固可見矣我曷其不于前寧人所圖之功而攸終之乎且天
不惟闕茲我成功所而輔我以忱詞也亦惟用四國之亂以勤茲
我民如人有疾必速治之耳我又曷不于前寧人所受之休美而
終畢之乎此歷言後人不可不集寧王寧人休功之意而舊人之
不欲征者王曰若昔朕其逝朕言艱日思若考作室既底厥子
亦可警矣王曰若昔朕其逝朕言艱日思若考作室既底厥子
乃弗肯堂矧肯構厥父苗厥子乃弗肯播矧肯穫厥考翼其肯曰
予有後弗棄基肆予曷敢不越卬敕寧王大命越卬猶言及身也
前兼言寧王與寧人而寧王其主也故又特言若昔我之欲往我
亦謂其難而日思之初非輕舉也以作室喻之父既定其廣狹高

畔公大造天下
奉主東征時
叔已死天未元
後此時乃討
恭且終其辭
不切後歸重
豈豈知武王
公心者武王
惟不與終紂
叔處之歸都
管叔時徐電
此雖公存而不
可心大蓋武
命既周京師
陸朝歌以未
以五十餘國
聖王之間
豈在天下
可乎徐電
名格後叔
已而於
三以天
以爲

下而砥法矣其子乃不肯爲之堂基况肯爲之構造乎以耕田喻
之父既反其猷畝而苗矣其子乃不肯爲之播種况肯爲之斂穫
乎爲子者如此則考翼其肯曰我有後嗣弗棄我之基業乎故予
今日不敢不及身以撫存寧王之大命凡以此也念昔者綏定天
下不啻如室之既底與田之既畱而今不能討亂以終其業是不
肯堂不肯播而更無望其肯構肯穫也即寧王在天亦必以棄墜
其大命是惘矣此又申上文若兄考乃有友伐厥子民養其勸弗
不可不終寧王武功之意也

救考父也厥子猶言子弟也民養未詳蘇氏曰斷養也猶言臣僕
也又言若父兄有子弟而有友攻伐之爲之臣僕者其可勸其
攻伐而不救乎父兄以喻武王友以喻四國子以喻百姓民養以
喻邦君御事也前止言無以遏亂而此言反以勸亂言彌切而意
彌痛

王曰嗚呼肆哉爾庶邦君越爾御事爽邦由哲亦惟十人迪

知上帝命越天棐忱爾時罔敢易法矧今天降戾于周邦惟大艱

人誕鄰胥伐于厥室爾亦不知天命不易肆放也欲其不畏縮也
與明也猶與厥師之與

也易違也上文旣言終寧王之命而終寧人之功亦相爲一體者
也故又因言王者之與邦實由哲士亦惟十人蹈知天命輔周之

而不物物未三思
耳或廣詳微言
即去即人之心可
見也者紂志亡人
心怨者故紂意
之辭而直及
紂死亡人心思信
故大誥之辭詳
而微。則司下而
信天下之大計也
此去難也。故言
故更詳之而後但
言紂之亡也。言
非心也。而聖人
必歸之。上何也。古
人志也。志而歸
假鬼神以通言。此
以決疑。成謀。故
也。故聖人主不務終
而後信。故言
不終。以壯現起
不終。乎。紂

忱是以佐先王以克有商而于爾時不敢違法憚役也矧今先王
棄世天降禍于周惟是首大難之人逼近鄰國羣相攻伐于室事
危勢迫至此而爾乃以為不可征乎是豈惟違朕爾亦不知天命
之不可違矣此以寧王時之知命貴今邦君御事之違命者猶前
寧王惟卜用之意也先儒皆以十人為十夫按本文稱爾時追昔
也稱矧今指今也則十人乃武王時之十亂非成王之十夫且所
謂天棐忱者天命有歸之詞而所謂迪知上帝命越天棐忱者天
命已歸之詞非亂臣昭武王以受天命者不足以當之夫君喪之
書周公歷舉號叔閔天之徒亦曰迪知天威于受殷命亦曰予永
若天棐忱詳前後所言如出一轍則十人之為亂臣何疑哉予永
念曰天惟喪殷若稽夫子曷敢不終朕敝天亦惟休于前寧人予
曷其極卜敢弗于從予曷其二句舊在下節之首註云極盡也予
起下文之辭也但如此則天亦惟句語意既未完而以曷其為曷
敢又云敢不從爾亦嫌添設隔碍且曷敢用上與下矧今卜并吉
尤無脉絡又初非全篇重卜之大意也今謹按經義恭定如左稽
夫猶言農夫也極者至善之謂也上文責邦君御事之違命故復
自以所永念者示之言天之喪殷若農夫之去草必絕其本我何
敢不終我田畝乎天之所以喪殷而眷周者亦惟欲休美于前寧

月以三兵至康
同觀石壁而後

人也而予曷其至善之卜而敢弗從乎此又責今之終
休于前寧人猶前曷不干前寧人攸受休畢之意也
指疆土矧今卜并吉肆朕誕以爾東征天命不僭
也指讀作善定爾功之書僭差也承上言率循寧人之功當有耆
定先王疆土之理卜而不吉固將伐之况今卜而并吉乎故我大
以爾東征而知天命之不差也卜之所陳蓋如此矣按此篇上原
天命下厲人心往推寧王寧人不可不成之功近指成王邦君御
事不可不終之責諄諄乎民生之休戚國祚之興喪懇惻切至不
能自己而反覆乎卜之一說自始訖終詞煩不殺以通天下之志
以斷天下之疑以定天下之業非聰明
睿智神武而不殺者孰能與于此哉

微子之命

微國名子得也成王既殺武庚封微子于宋以奉湯祀史錄其誥命爲篇今文無古文有

王若曰猷殷王元子惟稽古崇德象賢統承先王修其禮物作賓

于王家與國咸休永世無窮

元猶長也微子帝乙之長子紂之庶兄也崇德象賢舊謂崇德爲王朝崇

先聖王之德而以下文乃祖成湯節應之象賢則爲後嗣象先聖王之賢而以下文踐修厥猷節應之然按崇德象賢四字平列爲

微子之命

卷一

三

一句乃以一句中之上二字屬王朝說下二字屬後嗣說句理殊未順而以統承先王以下承接二義亦復未協也今體上下文義崇德象賢合皆指後嗣故下以統承先王各句接之崇德謂其後崇先聖王之德以性體而言象賢謂其後象先聖王之賢以事實而言禮典禮物文物賓以賓禮遇之也言考古制凡後嗣有崇先德而象其賢者則使承先世之大統以奉其祀而且修其禮物而不使廢以備一王之法作賓于王家而不敢臣以肅百僚之望與國威休以垂無窮蓋先王之心公平廣大初非若後世滅人之國惟恐苗裔之存爲子孫害也成王命微子而首嗚呼乃祖成湯克述此以發其撫助愛養之意其氣象爲何如哉

齊聖廣淵皇天眷佑誕受厥命撫民以寬除其邪虐功加于時德垂後裔

齊肅也齊則無不敬聖則無不通廣言其大淵言其深也誕大也皇天眷佑誕受厥命卽伊尹所謂天監厥德用集大命者撫民以寬除其邪虐卽伊尹所謂代虐以寬兆民允懷者功加于時則所及者衆德垂後裔則所傳者遠此言先聖德賢之實以見後嗣當崇爾惟踐修厥猷舊有令聞恪慎克孝肅恭神人而象之之意也

予嘉乃德曰篤不忘上帝時歆下民祇協庸建爾于上公尹茲東

一字不及討不及
唐而諸言
聖德之四言
有體世四言
大類近代手
便早而微
秀武庫三
此微之不
必持十而
重宗法也
庚大宋也
子也。都其
唐活泛而
。和月峰
坦希與也
迥不同

夏踐履修行猷道令善也曰語詞一云當作日欽享庸用也尹治也承上言爾微于踐修成湯之道舊有善譽孝敬肅恭厥德盡善我善汝之德厚而不忘而上帝下民亦相協于爾是用建爾上公之位而使治東夏也此乃言其崇德象賢而今所以建立之意也
欽哉往敷乃訓慎乃服命率由典常以蕃王室弘乃烈祖律乃有民永綏厥位毗予一人世世享德萬邦作式俾我有周無斁音數
亦○乃訓謂所訓尹東郊之法或曰卽下文所稱是也服命上公服命也宋王者之後當用天子之禮云慎者不敢替亦不敢亢惟率由典常爲準也弘大也光也律範綏安毗輔也上則格祖下則正民俯則綏位仰則毗君也式法數厥也卽詩言在彼無惡在此無斁也此皆戒勉之詞○林氏曰偏生于僭僭生于疑非疑無僭非僭無偏謹其服命遵守典常安有僭偏之過哉魯實侯爵乃以王禮祀周公既不謹矣其後用于羣公之廟又其後季氏僭八佾三家僭雍徹末流安所不至耶觀成王戒宋如此則賜魯以天子禮樂當無是理蓋周室旣衰魯竊僭鳴呼往哉惟休無替朕命息
言汝往之國當休美其政而無廢棄我命以結之也

康誥

康叔文王之子武王之弟武王誥命為衛侯而因以康誥各篇也今文古文皆有○按書序誤以康誥為成王

命康叔之書今考康叔于成王為叔父成王不應以弟稱之說者謂周公以成王命誥之故云弟也然既稱王若曰則為成王之言周公何遽自以弟稱之且使為成王之言則康誥酒誥梓材言文王者非一而畧無一語以及武王何耶說者又謂寡兄最為周公稱武王之詞尤為非義寡者自謙之詞武王為周公之兄即康叔之兄均之兄也家人相語周公安得以武王為寡兄而告其弟耶或又謂康叔在武王時尚幼故不得封也然康叔武王同母弟武王分封之時年已九十安有九十之兄同母弟尚幼不可封乎考汲冢周書克殷篇王即位于社南羣臣畢從毛叔鄭奉明水衛叔封傳禮召公奭贊采師尚父牽牲則康叔在武王時非幼亦明矣特序書者不知康誥篇首四十八字為洛誥脫簡遂誤以為成王之書是知書序果非孔子所作也康誥酒誥梓材篇次當金縢之前

惟三月哉生魄周公初基作新大邑于東國洛四方民大和會侯

甸男邦采衛百工播民和見士于周周公咸勤乃洪大誥治

見音現

看他第一句呼朕
其弟小子第
便推崇出玉顯
考立自文王
未行等沉鬱
桂遠列建
造區夏俱
文王自
實身是第
字無與低
下群汝
許東土
淚好滋

三月周公攝政七年之三月也始生魄十六日也百工百官也士
事也詩曰勿士行枚販築之事亦甚勞矣而民大和會悉來赴役
即文王作靈臺庶民于來之意也威勤公不自逸也洪猶弘也弘
爲大詰使治洛也蘇氏曰此洛誥之文當在周公拜手稽首之上
愚按蘇說亦未○王若曰孟侯朕其弟小子封以國則衛爲諸侯
盡詳見洛誥篇○之長而以叙則叔爲王之弟惟乃丕顯考文王克明德慎罰不敢
也封康叔名評以勉之也○侮鰥寡庸庸祗祗威威顯民用肇造我區夏越我一二邦以修顯
猶不顯哉之顯乃汝也考父也明德務崇之之謂慎罰務去之之
謂不敢侮鰥寡以下明德慎罰之實也侮忽也堯不虐無告文王
不侮鰥寡其德一也庸用顯著修治也用所當用敬所當敬威所
當威一聽于理而已無與故德著于民用始肇造我區夏而友邦
漸以修治也按明德謹罰一篇之綱領篇中凡七段首段言文王
明德謹罰以受命之實也次段勉康叔明德以立慎罰之本餘四
段皆勉其慎罰以廣明德之用而未段則以保民承天者我西土
總結之也詳見各段之下舊分段落頗未楚故正之○
惟時怙冒聞于上帝帝休天乃大命文王殪戎殷誕受厥命越厥

邦厥民惟時叙乃寡兄勗肆汝小子封在茲東土

殪音意○言帝又言天者帝以

主宰言天以形體言其實一也戎大叙理也承上言文王明德慎罰如此我西土之人惟時怡之如父冒之如天明德昭升聞于上帝帝用休美之命文王殪殷受命越致萬邦萬民莫不時叙而汝寡德之兄亦得以勉力不怠是以爾小子封得以受命建邦在此東土也此言天之命文王以及武王而今所以命建康叔之本末也○吳氏曰殪殷受命武王事也此稱文王者不敢以爲己功也

○王曰嗚呼封汝念哉今民將在祗遘乃文考紹聞衣德言往敷

求于殷先哲王用保乂民汝丕遠惟商耆成人宅心知訓別求聞

由古先哲王用康保民弘于天若德裕乃身不廢在王命

通音聿衣去聲

○此段勉康叔明德以立慎罰之本故特以王曰起之也通述衣服也敷猶廣也又治也言汝子民將在敬述文考繼其所聞而服行其德言又在其國廣求殷先王所以治民者而用以保治于民也惟念耆老宅居也又言不但因文王以及商王當大遠念商之老成人以安其心之所居而審民之所訓又別求凡古先哲王所以治民者以聞而由之而用以保安其民也若猶汝也弘耆席而

大之也。天者理之所從出也。自文考而商先哲王而商考成人而古先哲王內求諸家外求諸人近述諸今遠稽諸古博學以聚之集義以生之真積力久衆理該通天理之所從出者恢廓而有餘則汝德裕于乃身心廣體胖動無違禮而不廢王命不待言矣易曰君子多識前言往行以畜其德此之謂也。呂氏曰康叔歷求聖賢學問至弘于天而德裕乃身可謂盛矣止能不廢王命方可免過而已。此見人臣職分之難盡若欲爲干必須如大舜曾閔方能不廢乎父命若欲爲臣必須如大舜周公方能不廢乎君命也。

王曰嗚呼小子封。惇瘝乃身敬哉。天畏棐忱民情大可見小人難保。往盡乃心無康好逸豫乃其乂民。我聞曰怨不在大亦不在小。惠不惠懋不懋。

惇音通瘝姑還反。○此以下因推慎罰之意又以惇音通瘝姑還反。○此以下因推慎罰之意又以

之在身不可不敬之也。棐輔也。懋順懋勉也。言視民之不安如疾痛可畏然誠則輔之民情之好惡雖大可見而小民至爲難保是惟往盡汝心無自安而好逸豫乃所以治也。古人言怨不在大亦不在小惟患當順而不順當勉而不勉乃滋戾耳。順者順于理勉者勉于行即所謂往盡乃已。汝惟小子乃服惟弘王應保殷民亦惟心無康好逸豫者也。

助王宅天命作新民

服事應和也承上言汝雖小子其事惟在廣上德意和保殷民以治其國也此豈惟爲汝

國計哉亦惟助王安天命而作新斯民也蓋自治其國而輔王治卽在此矣經雖不明言慎罰而意已藹然言表宅命新民爲明

德之終惻瘼保民乃慎罰之本大學新民以明德爲本而使民無訟惟在自明其德是也○王曰嗚呼封敬明

乃罰人有小罪非眚乃惟終自作不典式爾有厥罪小乃不可不

殺乃有大罪非終乃惟眚災適爾既道極厥辜時乃不可殺

以下五段

皆勉其慎罰以廣明德之用此段蓋因事以推本于心而通以王日起之也式用適偶也言人有小罪而究其情乃其故犯自爲亂常用意如此其罪雖小乃不可不殺卽舜典刑故無小也人有大事而究其情乃其不幸過誤偶爾如此既自輸罪不匿其罪雖大是乃不可殺卽舜典宥過無大也諸葛武王曰嗚呼封有敘時乃侯治蜀悔罪輸情者雖重必釋其此意與大明服惟民其勅懋和若有疾惟民其畢棄咎若保赤子惟民其康乂

上文指言明罰之事慎矣此以下乃因以推本于心也叙秩叙也卽上可殺不可殺之叙也明服舊以明屬在上而服屬

在下殊非經義按明猶惟明克允之明服猶五刑有服之服勅戒
懋勉也咎猶疾也康又猶保也言上于刑殺宥赦而悉有當然之
叙時乃不替不謫大明五服之用惟民自相戒勅而勉于和順矣
此若有疾然以去疾之心去惡故民皆棄咎又若保赤子然以保
子之心保善故非汝封刑人殺人無或刑人殺人非汝封又曰刑
民皆安治也

刑人無或劓刑人

則截耳也又曰二字衍文言刑殺者天之所以討有罪非汝封得以刑之殺之也汝無或以已

而刑之殺之而劓則猶是也刑殺刑之大者劓則刑之小者兼舉
小大以申戒之然則刑周官五刑所無呂刑以爲苗民所制也
○王曰外事汝陳時臬司師茲殷罰有倫又曰要囚服念五六日

至于旬時丕蔽要囚

要舊作去聲今按周禮當平聲○此段言慎
罰之事由下以歸本于上而述以王曰起之

也外事有司之事也稱外者對下文要囚而言也臬法也準限之
義殷罰殷之故法也要囚謂獄囚之要詞旬十日也時三月也丕
大蔽斷也言汝于外事但陳列是法使有司師此殷罰之有倫者
用之耳若其獄囚之要詞當服膺而念之自五六日以下至于旬
時皆詳審精密即要詞而丕斷之可也○呂氏曰外事衛國事也
史記康叔爲周司寇司寇爲王朝之官職在內故以衛國爲外地

蔡傳曰按篇中言往敷求于殷先王往盡乃心篇終又言往哉封
皆始令其之國之詞其言刑亦姑示以慎刑之意而未見其曾在
王朝爲司寇之職或異時成王任爲司寇而此時則未必然也愚
按蔡傳足正呂說之誤但要囚二字與外事繫對舊尙未發其義
耳詳各文本末具見周禮所稱外事者卽秋官鄉士遂士縣士方
士之屬之事而所稱要囚者卽各職云具其死刑之罪而要之是
也又所稱服念五六日至于旬時不蔽要囚者卽各職旬而聽于
朝及二旬三旬三月而聽于朝是也上之人陳列是刑罰之法鄉
遂縣鄙各有司本此以用之此之謂外而其獄成而爲要詞以上
于朝則上之人服念至于旬時因與公卿大夫及士師司刑之屬
而不蔽之此則其內也上下各文對待之義如此康叔君衛外內
輕重王宜諄爲誥誡後周公建官定禮亦本此而成之舊未考探
其義乃以要會之要爲要犯之要而平聲讀爲去聲則不免于經義有失矣故謹正之如此
王曰汝陳時臬事
罰蔽殷彝用其義刑義殺勿庸以次汝封乃汝盡遜曰時叙惟曰
未有遜事殷彝殷之常法猶言殷罰也周初法制未備故篇中誥
戒多以殷爲言與義宜也次如卽次之次猶就也遜順
也申言汝陳是法事于有司而因以殷之常法罰斷之凡其刑其
殺必察其合于宜者而後用而不可以就汝封之意也雖汝刑殺

皆已合宜而順曰是有次叙矣惟當曰未有順事以處之蓋恐已
以矜喜生怠情而刑罰由以不中也此先明慎體刑殺之義也
汝惟小子未其有若汝封之心朕心朕德惟乃知言汝年雖少而人鮮有若汝心
之善者朕心朕德惟汝其知之也觀此益知○凡民自得罪寇攘

姦宄殺越人于貨誓不畏死罔弗慙

越顛越也蓋庚顛越不恭是也誓強慙惡也言凡以自犯

罪為盜賊姦宄殺人顛越人以取財貨而強狠亡命者如此之罪
人無不相憎惡凡以出乎人之同惡故也此段歷舉刑罰當罪之
各條而首以此發之節首當脫王曰封三字王曰封元惡大慙矧惟不孝不友于弗祇

服厥父事大傷厥考心于父不能字厥子乃疾厥子于弟弗念天

顯乃弗克恭厥兄兄亦不念鞠于哀大不友于弟惟弟茲不于我

政人得罪天惟與我民彝大泯亂曰乃其速由文王作罰刑茲無

赦弔音的○又言刑罰之當罪者不止元惡大慙而以王曰起之也或曰王曰封三字即上文錯簡大慙即所謂罔弗慙也友猶

都些三周書
居西久矣且其
有西諸州日其
以東薄海青
徐皆屬殷土逮
武王伐商時討
以於地土皆殷
罪也監討之云廣
而考唐叔于商
當其時殷歌云
亦有討之不
用武王明諸國
者教起周公居
北其情刑討
子在則反側無
徐有諸國不大
則遠人不東都
不遠則天下之
偏安三大事
而後天下宜於
奉王東征討武
盡有殷地以其
分微焉宋嗣
以其年益唐叔

悌也。天顯。猶孝。經所謂。天明謂尊卑顯然之序也。弔至也。得罪受
罪也。曰。猶謂也。由用也。言冠懷姦。究固為大惡。而大可惡矣。況不
孝不友之人。禮義昏迷。倫紀廢壞。尤為可惡。于不服事于父。而傷
之。父亦不字愛其子。而疾之。是父子相夷也。弟不念長幼。顯明之
序。而不敬其兄。兄亦不念父母鞠養之勞。而不友其弟。是兄弟相
賊也。父子兄弟至此。而不于我為政者受其罪。則天念我民之難
必大泯滅。紊亂亦謂若此之人。其速用文王作罰刑。不率大要。矧
而無所赦。可也。此承上文。又明刑罰當罪之次條也。
惟外庶子訓人。惟厥正人。越小臣諸節。乃別播敷。造民大譽。弗念
弗庸。厥君時乃引惡。惟朕慙。已汝乃其速。由茲義率殺。不率。即
孝不友也。夏法也。造作也。率殺比而殺之也。言民之不率教者。固
宜大置之法矣。况外庶子。以訓人為職。與庶官之長。及小臣之有
符節者。皆宜守教約之人也。乃別為播布違道干譽。弗念其君。弗
用其法。以病君上。是乃長惡于下。我之所深惡已。汝其速由此義
而比誅之可也。此承上文。又以明刑罰當罪之三條也。○按本篇
慎罰與明德為配。非尚刑不尚德者比。乃上言民不孝不友。則速
由文王作罰刑。茲無赦。此言外庶子正人小臣背上立利。則速由
茲義率殺。若用法峻急者何也。蓋臣民化紂之惡。父子兄弟之無

長春

2-111

長君討死子洋人
情思舊隱方方
深故藉康叔心
背委之殷墟假
以大叔之言行
不日不用重典此
又審乎勢而為之
也同之典章大抵
出公手乃或謂
此為武王之作
移置於金縢
誤矣使武王尚
在人心憤服徐
迄不敢動何而
帝辭且使東土
為武王存心早
以康叔為後伯
又可有官叔武
之子說者不深
秘矣要惟此也
篇首惟三月王
大誥序四十八
錯簡移置法

迪。德也。求。述。同。猶。匹。也。詩。曰。世。德。作。求。迪。言。德。政。言。刑。也。又。承。上。言。汝。之。當。敬。思。裕。民。如。此。我。明。思。夫。民。宜。導。之。以。吉。康。我。于。時。其。亦。惟。殷。先。哲。王。之。用。德。治。民。者。作。為。等。匹。乃。可。也。况。今。民。無。有。道。之。而。不。從。者。苟。不。導。之。則。為。無。政。于。國。矣。而。豈。可。為。之。哉。前。既。嚴。之。民。又。嚴。之。臣。又。嚴。之。康。叔。而。此。段。則。王。之。自。嚴。以。嚴。之。也。故。推。本。自。殷。而。述。稱。王。曰。以。發。之。王。曰。封。予。惟。不。可。不。監。告。汝。德。之。說。于。罰。之。行。今。惟。民。不。靜。未。戾。厥。心。迪。屢。未。同。爽。惟。天。其。罰。殛。我。我。其。不。怨。惟。厥。罪。無。在。大。亦。無。在。多。矧。曰。其。尚。顯。聞。于。天。監。戒。也。德。之。說。所。謂。德。言。也。行。猶。用。也。同。協。也。戒。告。汝。以。之。雖。屢。未。能。協。也。明。思。天。其。罰。殛。我。我。何。敢。怨。乎。惟。民。之。罪。不。在。大。亦。不。在。多。苟。為。有。罪。即。在。朕。躬。也。况。曰。其。穢。德。尚。顯。聞。于。天。而。我。罪。安。解。乎。○王。曰。嗚。呼。封。敬。哉。無。作。怨。勿。用。非。謀。非。彝。蔽。時。忱。不。則。敏。德。用。康。乃。心。顧。乃。德。遠。乃。猷。裕。乃。以。民。寧。不。汝。瑕。殄。非。謀。謀。不。事。不。法。也。蔽。斷。則。法。也。乃。汝。也。乃。以。之。乃。猶。言。然。後。也。此。段。總。承。上。而。結。之。言。汝。敬。哉。可。作。致。怨。之。事。乎。可。用。非。善。之。謀。與。非。常。之。

諸侯會故宅
諸侯會故宅
諸侯會故宅
諸侯會故宅
諸侯會故宅
諸侯會故宅
諸侯會故宅
諸侯會故宅
諸侯會故宅
諸侯會故宅

法乎惟當斷以此心之誠而大法古人之教德用以安汝之心省
汝之德遠汝之猷凡使裕而不迫然後民得所安則我不汝瑕疵
而棄絕矣不然而安能免于責乎上文欲其王曰嗚呼肆汝小子
以德用罰此不言罰惟言德而義益遺矣

未

詳蓋承上文之語詞也享即享國之享服猶受也高崇也上文已
嘆戒矣因言惟命不于常善則得之汝其念哉毋自我殄絕所享
之國其必明汝所受之命而不昏崇汝王若曰往哉封勿替敬典
所聽之言而不卑用以安治爾民可也
聽朕告汝乃以殷民世享終言勿廢其當敬之常法而聽我所告
享對上文殄享而言
蓋反覆以終戒之

酒誥

商紂醢酒天下化之妹土商之部邑其染尤深武王以
其地封康叔故作書誥教之也今文古文皆有○吳氏

云酒誥一篇前後本是兩書以其皆為酒而誥故誤合為一
耳自王若曰明大命以下武王告妹邦之書也自王曰封我
西土以下武王告康叔之書也凡書之體為一人而作則首
稱其人為衆人而作則首稱其衆為一方而作則首稱一方

西

告

一

為天下而作則首稱天下君。其書首稱君。其書首稱君。陳為一人而作也。甘誓首稱六事之人。湯誓首稱格汝眾為眾。人而作也。湯誥首稱萬方有眾。大誥首稱多邦多士。多方首稱四國及多士為天下而作也。酒誥為一方而作。故首言明大命于妹邦。其自為一書無疑也。今按吳氏分証固明。但專誥妹邦不應有乃穆考文王之語。竊意書專為妹邦而作。而妹土在康叔封圻之內。則明大命之責。康叔實任之。故篇首稱妹邦。即稱乃穆考文王。而中篇因名康叔以致誥誠也。其云尙克用文王教者。亦申篇首文王誥慈之意。其事主于妹邦。其書則付之康叔。雖若二事。而實相首尾。蓋自為書之一體也。○此篇分二段。首引文王以教之。次歷引殷人以教之也。

王若曰。明大命于妹邦。首稱妹邦者。誥命專為妹邦發也。乃穆考文王。肇國在西

土。厥誥慈庶邦。庶士。越少正御事。朝夕曰。祀茲酒。少去聲。○此下四節備述文王

之戒臣民者。以示之也。穆考文王者。文王世次為穆。猶武王世次為昭也。肇始也。慈戒也。國在西土。而得慈戒。庶邦者。為西伯故也。西土庶邦。遠去商都。而猶以酒慈戒。則商都當戒可知矣。少正官之副貳也。誥臣自庶士及于少正御事者。自小以至大也。朝夕曰。

祀茲酒者文王朝夕戒謹之曰惟祭祀則用此酒也詳考篇中兼
誥臣民而首叙臣而不及民其下文并指臣爲民者對文則臣民
異稱散文則臣亦民也敎行自上言惟天降命肇我民惟元祀天
臣而民在其中言民而臣在其中矣

降威我民用大亂喪德亦罔非酒惟行越小大邦用喪亦罔非酒

惟辜

喪行並去聲○此承上文惟祀茲酒而原天命以申言之也
肇始元大也我民通謂臣民也言天始令民作酒爲大祭祀

而已而民之喪德君之喪邦皆由于酒則不知酒爲祀起而亂于
酒之害也酒之禍福自人而以爲天降命降威者禍亂之興衰是
亦天也箕子言紂酹酒亦曰天毒降災是也喪德文王誥教小子

故言行喪邦故言辜云喪邦則臣民不足言矣

文王誥教小子

有正有事無彝酒越庶國飲惟祀德將無醉

此又以文王誥教小
子者申之也小子血

氣未定尤易縱酒喪德故又專誥教之上小子有正有事謂庶國
臣之小子下越庶國謂庶國民之小子或言小子或言庶國互文
也有正有官守者有事有職業者彝常也無常于酒其飲惟于祀
亦互文而皆以德將之無至于醉則誥成人之德將無醉不待言
矣惟曰我民迪小子惟土物愛厥心臧聰聰祖考之彝訓越小大

德小子惟一

此承上而推言其心也我民亦通謂臣民也道類也土物對異物而言也藏善也言文王誥教小子如此

惟曰我民訓道其子孫當惟土物是愛厥心一歸于善而為子孫

者聰聽其祖考之常訓亦不以謹酒為小德而小德大德惟一視

之可也此以上歷引文王之教妹土嗣爾股肱純其藝黍稷奔走

臣民茲以自發其教之意與妹土嗣爾股肱純其藝黍稷奔走

事厥考厥長肇牽車牛遠服賈用孝養厥父母厥父母慶自洗腆

致用酒

長上聲賈音古養去聲○此以下武王自明教之之意而此先言教其民也嗣者繼續無怠之意純者誠一無間之

貌肇敏服事也洗致潔腆致厚也承上言文王之教臣民如此爾

妹土之民當嗣續肢體純修農功以勤事其父兄或肇牽車牛遠

事行賈以孝養其父母父母喜慶然後可自洗腆致用酒庶士有

而因父母以餒其餘也或言考長又或言父母亦互文庶士有

正越庶伯君子其爾典聽朕教爾大克羞嗇惟君爾乃飲食醉飽

丕惟曰爾克永觀省作稽中德爾尙克羞饋祀爾乃自介用逸茲

乃允惟王正事之臣茲亦惟天若元德永不忘在王家

此又言教其臣也伯

長也。稱君子賢之也。典常也。欲正長常。聽君教也。羞養也。惟思也。君猶言嚴君。不惟曰者。大言也。言爾大能養老。如事嚴君。爾乃自飲。食醉飽。則我不惟曰。爾能常自觀省。作為悉稽乎中德也。介猶副也。逸宴樂也。若順也。又言爾尙能進饋祀。爾乃自副用宴樂。則此乃信爲王之治事臣。此亦惟天之順元德。而永不忘我王家也。羞者。乃飲則爲中德者。修身必事親也。饋祀用逸。則爲正臣者。事君如交神也。然是篇本欲禁其飲。而遙觀上下文。父母慶則可飲。酒克羞者。則可飲。酒羞饋祀。則可飲。酒初不盡。禁其飲者。何也。是不禁之禁也。聖人之教。不迫。孝養羞羞。饋祀皆因其良心之發。而利導之。人果能盡此三者。且爲成德之士矣。而何憂其酒酒也哉。此聖人之教之至也。王曰。封我西土。裴徂邦。君御事小子。尙克用文王教。不腆于酒。故我至于今。克受殷之命。又特稱王曰。而呼封以結之也。裴。輔徂及也。言我西土之輔臣。及邦。君御事小子。皆用文王教。以徧德而興邦也。結言。○王曰。封文王之教。其大如此。又因以起殷先王之教之意也。○王曰。封我聞惟曰。在昔殷先哲王。迪畏天顯小民。經德秉哲。自成湯咸至于帝乙。成王畏相。惟御事厥裴。有恭不敢自暇自逸。矧曰其敢崇。

飲相去聲。○此以下因周溯商又特稱王曰呼封以發之而此首以商先王與其大臣之德將者告之也。殷先哲王謂湯也。迪行也。言成湯無行不畏。凡天命之昭著民生之細微無弗畏也。故以處已則經其德而不變。以用人則秉其哲而不惑。自成湯之垂統如此。咸至于帝乙。雖世代不同而皆成就其君德。敬畏其輔相。彼當時御事之臣皆盡忠輔翼。責難爲恭。雖自暇自逸且不敢也。況曰其敢。越在外服。侯甸男衛邦伯。越在內服。百僚庶尹惟亞。惟服尚飲乎。越百姓里居罔敢溷于酒。不惟不敢亦不暇。惟助成王德顯宗工。越百姓里居罔敢溷于酒。不惟不敢亦不暇。惟助成王德顯越尹人祗辟。此又以商內外羣臣之德將者告之也。言在外服則有侯甸男衛之諸侯與其牧若伯之長在內服則有百僚之衆庶尹之正惟亞之貳惟服之卑宗工之尊與夫百官著姓退休里居之老亦皆罔敢沈湎于酒。不惟有所畏而不敢亦有所勉而不暇。惟欲上以助成君德而使之丕著下以助尹人祗辟而使之不息也。助德顯承上文成王而言助祗辟承上文裴恭而言尹人呂氏謂百官諸侯我聞亦惟曰在今後嗣王酣身厥命罔之長指上文御事而言也。顯于民祗保越怨不易誕惟厥縱淫洗于非彝用燕喪威儀罔

此月峰云此
段極其精
法鍾法之勝

不盡傷心。惟荒腆于酒。不惟自息。乃逸厥心。疾恨不克畏死。幸在
商邑。越殷國滅無罹。弗惟德馨香祀。登聞于天。誕惟民怨。庶羣自
酒。腥聞在上。故天降喪于殷。既愛于殷。惟逸天非虐。惟民自速。辜
喪並去聲。盡乞力反。○此又以商後王之亂于酒者告之也。後嗣
王受也。命猶令也。祇猶但也。或曰敬也。越于也。易變也。言紂沉酣
其身。政令罔著于下。但作惡修怨。守而不變也。縱淫佚于非彝。恭
誓所謂奇技淫巧也。燕安逸也。喪威儀。史記所謂酒池肉林。使男
女裸而相逐也。盡痛也。言紂大惟淫蕩非法。用燕佚而喪其威儀。
民罔不痛而傷心。悼國之將亡也。息止逸肆也。又言下民痛心而
受方且荒崇于酒。毫不自息。其逸厥心。恣行戾戾。雖罪且殺身而
不畏。禍至滅國而不憂也。惟思登升庶衆也。又言帝鑒在上。初無
明德之馨香以格于天。民怨在下。大惟羣酗之腥穢以聞于上也。
逸即乃逸之逸。幸即事在商邑之幸也。總承上而言。凡紂之罪惡
如此。故天降喪于殷。無有眷愛。惟其縱逸爲之。此紂天之爲虐。
哉。亦人自速其辜耳。君亦稱民者。猶言先民。君臣之通稱也。王
曰。封。予不惟若茲多誥。古人有言曰。人無于水監。當于民監。今惟

殷墜厥命。我其可不大監撫于時。此承上言當監殷民以爲戒。又特稱王曰而呼封告之也。若茲

通指上文自湯及紂之屬撫安也。言我不惟由周溯殷如此其多詰也。古人謂人無但于水監視而見其妍醜。當于民監視而見其得失。今殷民自速辜。既墜厥命矣。我其予惟曰。汝劼。茲殷獻臣。侯可不以殷爲大監戒。以撫于斯時乎。

甸男衛。矧太史友。內史友。越獻臣百宗工。矧惟爾事服。休服。采。矧

惟若疇。圻父薄違。農父若保。宏父定辟。矧汝剛制于酒。劼丘八反。圻畿同。父

甫同。辟音璧。○此又承上文戒殷臣以及其臣而歸本于君身也。劼用力也。友謂王所友事。謂王所事。矧謂王所匹也。若疇之若。猶汝也。若保之若。猶順也。主封圻。故名圻父。政官司馬也。主農。故名農父。牧官司徒也。主空地。故名宏父。事官司空也。諸侯之三卿。謂之父。尊之也。言汝當用力戒謹殷之賢臣。與鄰國之侯甸男衛使之謹酒也。況汝之所友。如掌六典八法八則之大史。如掌八柄之法之內史。及其賢臣百僚大臣之屬。可不謹于酒乎。況汝之所事。如坐而論道。服休之臣。起而作事。服采之臣。可不謹于酒乎。況爾之所矧。如迫逐違命之圻父。順保生靈之農父。制定經界之宏父。可不謹于酒乎。凡此內外之臣。罔欲知所謹矣。況汝之身所

王伯目三傳則告曰群臣汝勿佚其殺無遠死氏以爲此告者云云亦勸汝執而殺之也汝當言惟曰是商諸臣化紂言淫通者而可遂其半以故惟也而己及不也而使陷于罪是也殺之也周公戒康叔比也殺之辭也乃爲勸外是清此意也忠厚之云真祥也云周有薛氏掌鈔酒謹子叔遂與有誣禁三人以上

以爲一國之視效者可不謹于酒乎剛制亦勸懲之意也此章監戒諸臣自遠而近自卑而尊而歸本于國君之身以是爲治孰能禦之而況徒從厥或告曰羣飲汝勿佚盡執拘以歸于周予其殺于酒德也哉

此以下又承上戒臣民而歷告以殺不殺之條也羣飲謂羣聚而飲以爲姦惡也佚失拘執也言如此之人不使之逸失盡執歸以殺之可也然其者未定之詞蘇氏曰予其殺者未必卽殺也猶今法當斬者皆具獄以待命不必殺也其必立是法者欲人畏而不敢犯也蓋亦當時有聚黨羣飲謀爲大姦者故特設是制而其詳不可得聞矣如今之法有曰夜聚曉散者皆死罪謂聚而爲妖逆者也使後世不知其詳凡民夜相過者輒殺之乎又惟殷之迪諸臣百工乃酒于酒勿康

殺之姑惟教之有斯明享迪也言也享猶上享下之享又言殷紂黨迪爲慝之諸臣百工雖酒于酒而非羣聚爲姦惡者無乃不用我教庸殺之且爲教之也能不忘乎教訓則上明享之矣

辭惟我一人弗恤弗蠲乃事時同于殺承有斯明享而言也言用承有斯明享而言也言用

教之諸臣百工固明享而勿殺之矣若猶不用我教辭惟我一人弗能復恤于汝于是弗潔汝之所爲而時則同汝于羣飲誅殺之

無故群飲罰金

四兩不但延壽

米穀且備沙糖

也後世因之推

酤之法故詩

誤難考不盡

美而古意久存

今千乘之國以

及十室之多無

不有之肆

未幾後者淫

開於一時而

于是備此等

淫利要為三禁

信不足教

不平則怨

也知此三禁

當申命

罪主曰封汝典聽朕愆勿辨乃司民酒于酒辨治也乃司謂有司

也篇終特呼封言汝宜常聽我訓教臣以教其民若汝不治諸臣

百工之酒酒則民之酒酒者不可禁矣以教行自上之意結之也

梓材此亦武王告康叔之書蓋論以治國之理欲其通上下

古文皆有○蔡傳曰此篇文多不類自今王惟曰以下乃人

臣進戒之詞以書例推之所云今王惟曰者猶洛誥之今王

即曰也所云肆王惟德用者猶召誥之肆惟王其疾敬德王

其德之用也所云已若茲監者猶無逸之嗣王其監于茲也

所云惟王子子孫孫永保民者猶召誥之惟王受命無疆惟

休也反覆推考與周召誥之言若出一口意編書者得後

文于簡編斷爛之中而以與前文相類遂編次其後也夫前

即上諸臣百工之類

辨治也乃司謂有司

欲其通上下

因以各篇今文

惟王其疾敬德王

其監于茲也

惟王受命無疆惟

休也反覆推考與

周召誥之言若出

一口意編書者得

後文于簡編斷爛

知吳語未之而
高之疏係執此
至志生而用之
作法諸聖人豈
近人情者歟此
不遠而意用不
情之禁私醜
推活詒國以爲
利而曰世民飲
雅殺之不從矣
美乎蘇軾之言
曰甲苦子妻
也故其子服
乙苦子而大
食其子不服此
用之以禁禁
法而後心不能
禁也故

其不類而不可合則亦無怪其疑篇簡之有錯也學者苟以
經文泰之註疏而更體其章句繹其文義亦豈有不類而不

合如吳氏之所疑者哉今

謹詳論于各節學者詳之
王曰封以厥庶民暨厥臣達大家以厥臣達王惟邦君大家猶孟

室也孔氏謂卿大夫及都家也達通也以厥庶民暨厥臣通諸大

家恐大家怙寵而情或睽以厥臣通諸王恐王居尊而情或壅也

達王言臣不言民者率土之濱莫非王臣也此首言上汝若恒越

自天子下有大家而邦君能通上下之情以深勉之也

曰我有師師司徒司馬司空尹旅曰予罔厲殺人亦厥君先敬勞

肆徂厥敬勞肆往姦宄殺人歷人宥肆亦見厥君事戕敗人宥勞

聲○此因以邦君率下愛民之義示之也恒常也越語詞上師猶

衆也下師猶法也謂三卿爲百官師表也尹謂凡正長旅謂庶職

敬者敬慎勞者勞來卽所謂罔厲殺人也肆語詞徂往也此以上

謂君敬勞而臣從之也姦宄殺人謂正犯也歷人謂罪人所過也

事治也戕敗通謂五刑之屬卽施諸姦宄殺人歷人者也宥卽虞

書流宥五刑周禮三刺三宥之宥宥其疑而刑其實也此以上謂

臣寬宥而君倡之也。罔厲殺自獄未。王啓監厥亂爲民曰無胥戕。

成之始而言宥自獄既成之後而言。無胥虐至于敬寡至于屬婦合由以容王其效邦君越御事厥命。

曷以引養引恬。監平聲下同。屬音燭。此原古王啓監垂命之意。亦上文之意也。監如周禮建其牧立其監之監謂

諸侯各監一邦。卽邦君別名也。敬猶矜也。屬猶完也。效猶教也。王

者開置監國其治本以爲民而其命監之辭蓋曰無相與戕殺其

民無相與虐害其民民之寡弱者則哀矜之使無所困婦之窮獨

者則聯屬之使有所歸台皆由是而容蓄之也。然則王居諸侯百

官之上其垂法邦君及御事者厥命何以然哉亦惟欲引斯民于

生養安全之地而已此節至此止而舊誤以下節首二句合于此

節以故章段胥失而吳氏自古王若茲監罔攸辟惟曰若稽田既

勤敷畝惟其陳修爲厥疆畎若作室家既勤垣墉惟其塗墍茨若

作梓材既勤樸斲惟其塗丹雘。辟僻同。墍音戲。腹屋郭反。此備申上文啓監垂命之意以起下文

今日啓監圖治之意也。稽治也。敷畝者廣去草棘也。陳列也以次

理厥畝畝也。塗墍者泥飾之也。茨蓋也。梓良材可爲器者。腹采色

王伯厚云周書
達諸侯與天下
巨室共其
為社稷之法九
兩所謂宗廟之
以民公利之
所謂君之宗
此其達之根
也魯之有
秋也樹之
有之於
至者有九
正焉皆所以
人心維國
於諸侯
周公作
書曰
德勤王
乃方求
聖武夫
王所
助王恭
昭刑用
承天

名也。承上言。自古王者命監。若此而監。遂無僻于政。以戕害人者。蓋惟曰。王者既倡之于上。邦君則率之于下。如敷苗以除穢惡。垣墉以固基址。模範以立制度。固王之所以倡于上也。而繼吠聖茨丹。履則邦君之所以率于下也。蓋古王啓監。其所望于邦君之贊治者如此。故下文以今王惟曰。緊相承應。而舊誤以節首二句。合上為節。則古王今王。既不相對。即上下兩惟曰。亦不相應。而于是遂疑其錯簡矣。蓋亦未及深體而然與。今王惟曰。先王既勤用明德。懷為夾。庶邦享。

作兄弟方來。亦既用明德。后式典集。庶邦丕享。先王謂文王也。夾近也。懷遠為近也。

庶邦享。以禮言。作兄弟。以心言。兄弟友愛之詞。方來。謂四方以時來也。后。後王也。式。用也。集。和輯也。承上言。古王命監之意如此。今王亦惟曰。我先王既勤用明德。而懷來綏輯于上。諸侯亦盡用明德。而朝貢趨附于下。我後王必式用舊典。以和集之。而庶邦必因之丕享也。此言今所以法先王。輯庶邦之意。雖未言厥亂。為民而所言。用明德者。繁而不殺。其心已藹然于言外矣。皇天既付中國民越厥疆土于先王。肆王惟德用和懌。先後迷民用懌。先王受命。先去聲。○越。及也。肆。今也。德。用明德也。和懌。子愛之也。先後。勞來之也。迷民。謂迷惑染惡之民。懌。慰也。此又言先

報合之入報祇

報祇用休保

初在王亦萬

孫周亦被先

王重光代則

室之不德

大門亦不

自亦建

齊國此本

根其亡也

惟古者

有亦之

師保

有外庶

國之

之導

之導

之導

王承上天土地人民之寄以貽後已若茲監惟曰欲至于萬年惟

人而今所以法祖為治之意也

王子子孫永保民為監將如何哉亦惟曰欲至于萬年惟王子

子孫孫永保民可也而可不思輔王以保之乎按本節已若茲句

監惟曰句監即上王啓監及監罔攸辟之監而監惟曰亦與上兩

惟曰句相應蓋脈絡之通貫如此而蔡傳因吳氏錯簡之說乃讀

已若茲監為句謂與無逸嗣王其監于茲皆為監視之監而為臣

下告君之詞也經意果然乎否耶且又謂編書者見已若茲監句

與梓材自古王若茲監罔攸辟之文相類因妄合為一篇而孔氏

遂依阿其說也編書者果然乎否耶夫孔氏雖未暢經義而簡冊

之舊尚存若吳氏未加深體汰亂原文而蔡傳從之則不但傳義

廢而經義亦廢矣夫經文自古王若茲監罔攸辟二句冠子惟曰

若稽田節之上則下節所謂今王惟曰者乃對古王而言上下文

意相足初無自稱之嫌也自先王既勤至不享言啓監之意而治

民在其中自皇天既付至受命言治民之意而命監亦在其中而

末節總承其意結言之則又見以臣達王惟邦君之意而邦君所

以撫治其臣民者意亦彌切可知矣況監罔攸辟與監惟曰兩監

字既皆連下為句而已若茲句與自古王若茲亦遙相應又如之

何以已若茲監為句而以上文兩監字釋為監牧之監此節監字

釋為監牧之監此節監字

釋為監牧之監此節監字

釋為監牧之監此節監字

危在亡之寄而
固有其主矣

則釋爲監視之監也愚不敢崇傳而廢經故謹正之如右
卽質之蔡傳尊經之意想亦不以同異爲嫌也學者詳之